


Аркадий Аверченко

БҮРГИ НҮСТИН

хикоялар



Русчадан Нельмат Аминов таржимаси

ТОШКЕНТ «МАЪНАВИЯТ» 2000

ТАДБИРКОРЛИК

Аркадий Аверченко (1881—1925) — рус адабиётида А. Чеховдан кейин ҳажвиёт бобида энг иқтидорли ёзувчилардан бири. Унинг «Сатирикон» журнали Россиядан ташқарида ҳам машҳур бўлган. Йиқилоб билан чиқиша олмай чет элга кетган ва хорижда вафот этган. Унинг «Қайнатған қозон»; «Анонимнинг мактубларі», «Йиқилоб кўксига саничилгай ўн икки пичок», «Болалар», «Қичишқон устида истироҳат», «Беҳаёнинг ён дафтари» сингарни китоблари кулгисеварлар орасида, айниқса машҳурдир. Узбек тилига илк бор таржима қилинаётган.

Шаҳар билан танишиб чиққац, бирор иш билан шуғулланмоқчи бўлдим. Барча тадбиркор кишилар Пери-даги маҳсус кафеда тўпланишларини эшишиб, мен ҳам ўша ерга бордим. Бир пиёла кофе олиб, кичик столчага ўтириб, аллақандай бир иш ҳақида бош қотира бошлидим. Қопқондан ҳайвон ҳам қочади, дейишади. Ундай эмас экан. Ёнимга нотаниш бир жаноб келиб, елкамга қоқиб деди:

- Салом, жаноб ёзувчи! Мени танимадингизми?
- Нега танимас эканман, — дедим ҳурматини жойига қўйиб. — Жуда яхши биламан-да. Аҳволлар яхшими?
- Бирор иш қидириб юрибман. Сиз-чи?
- Камина ҳам қандайдир бир иш билан шуғуллансан, деб ўйлаб ўтирибман.
- Лирадан борми?
- Бир оз топилади, — дея чўнтағимга уриб қўйдим. Суҳбатдошимнинг юзларида аллақандай жиддийлик зоҳир бўлди.
- Ҳам-м... Сиз учун нимани ўйласам экан?..
- Ҳам... Менда бир иш бор. Хоҳласангиз, арра қиласизми. Биласизми, битта қўй неча кило келади?
- Қанақа қўй?
- Оддий қўй. Биласизми, неча кило чиқади?
- Ким билади, дейсиз! Ҳозиргача ҳикоя ёзганман. Лекин қўйни тортиб кўрмаганман.
- Наҳотки, қўйнинг вазнини билмасангиз? — нотаниш дўстим танбеҳ берди.
- Тўғри келмаган. Агар керак бўлса, вақт топилса, сиз учун.
- Билмасангиз билинг, билинг, ўртacha қўй уч пудча келади.
- Қаранг-а, ким билибди дейсиз!
- Ҳа, шундай. Уч пуд. Бир қадоқ қўй гўшти неча сўм туришини биласизми? Эллик пиастр туради.
- Шундай. Ҳозир ҳаёт жуда оғирлашиб, кетди, — дедим мужмал кайфиятда.
- Бироқ ақлли киши учун ҳаёт дегани ўрта қўлдай жуда оддий. Шундай қилиб, давом этаман. Ҳўп, сиз

A21

Аверченко, Аркадий.

Бўри пўстин (Ҳикоялар) /Русчадан Н. Аминов тарж. Т.: «Маънавият», 2000.—646.

P2

A 4702620204—33 33—00
M25(04)—00

© «Маънавият», 2000

Кади-Кеे шаҳрида битта қўй неча сўм туришини биласизми? Ўн лира. Энди мана сизга бир иш. Сиз йигирма, мен йигирма лирадан ўртага ташлаймиз. Мен иккита қўй сотиб олиб сўяман.

— Уларни сўймаслик керак, — дедим раҳмим келиб.
— Шундай қўйларни сўясизми?

— Бўлмасам-чи, биз уларнинг гўштини сотишимиш керак-ку. Сиз қўрқманг, уларни ўзим сўяман. Шундай қилиб, бизнинг йигирма лирамизга олтмиш пуд қўй гўсти келади. Бозорда олтмиш лирадан. Яна териси билан шохи сизга фойдага қолади.

Умрим бўйи шохли қўйни кўрмаган бўлсам-да, бу маҳаллий зотдор қўй бўлса керак, деб ўйлаб:

— Жуда яхши иш, дея билимдонларча бош силкиб қўйдим. Пулни қачон келтирай?

— Истасангиз ҳозир. Қанча тез бўлса шунча яхши. Енингизда қанча бор? Тўлиқ йигирматами? Бўпти, раҳмат. Эрта тонгда қўйлар тайёр бўлади. Истасангиз, сизникига обкелиб кўрсатаман.

— Билмасам, қандоқ бўларкин. Айтиб бўлмайди, қўйлар ҳеч нимадан-ҳеч нима хонага кириб қолса... Ҳар қандай ҳайвонларни уй эгасининг жини сўймайди... Яхшиси, уларни сўйинг. Faқat жониворларни қийнаманг. Хўпми?

Янги шеригим, бу гуноҳсиз жонзотларни сўйганда ҳечам оғриқсиз, тушдагидек енгил жон беришади, деб қайта-қайта ишонтириб, қайғули қиёфада мен билан хайрлашади.

Ушандан бери саккиз кун ўтди. Ҳалига қадар на шеригимни, на қўйларни, на фойданни кўрганим йўқ.

Афтидан шеригимга бир кори ҳол бўлганга ўхшайди.

Баъзан тун бўйи: бу шафқатсиз кишига қўйларни ўлдиришдек хавфли ишни топшириб тўғри қилдимми деган хаёллар билан қийналиб чиқаман. Агар қўйлар йўлда унинг қўлидан қочиб кетган бўлса-чи? Ёки ўлим олдида жониворлар жонҳолатда бечора шеригимни сузиб, майиб қилиб қўйган бўлишса-чи?

Кеча кўчадан ўтиб кетаётсан ғалати воқеа рўй берди. Тўсатдан шеригим рўпара келиб қолса бўладими.

Хурсанд бўлиб қичқириб юбордим:

— Салом, азизим! Қани, қўйлардан дарак борми?

— Қайси қўйлар? Кечирасиз, мен сиғни бутунлай танимайман.

— Наҳотки? Ахир биз иккимиз қўйлардан фойда қилмоқчи эдик-ку?

— Кечирасиз. Сизни биринчи марта кўриб турибман. Мен баъзан қўйлардан фойда қилиб тураман, лекин бир ўзим ишлайман, шеригим йўқ.

У мени четлаб ўтиб, йўлида давом этди.
«Қаранг-а, мунча ўхшамаса, — дея тўнғиллаб унинг изидан қараб қолдим. — Ўша юз, ўша овоз, қўйлардан фойда олиши ҳам худди ўшани ўзи!»

Бу мафтункор, сирли Шарқ яна қанчадан-қанча сир-асорларни ўз бағрига яширган экан?

ЁЛГОН

Хотинлар ва хитойларни тушуниш жуда амри маҳол. Мен шундай хитойликларни биламанки, улар ёнғоқ катталигидаги фил суюги устида иккى-уч йиллаб тоқат билан ўтириб меҳнат қилишади. Ана шу бир парча қин-ғир-қийшиқ матодан бир этак майд-чуйда пичокча ва аррачалар ёрдамида катта ақл ва сабр-тоқат билан кема ясашади: кема бўлганда ҳам барча абзалу арқонлари, елкану парраклари, ҳатто уни бошқарувчи кўп сонли денгизчиларини ҳам унугашади. Ҳар бир матрос бамисоли кўкнор донасида, тарқонлари қилдай маинки, асти сўраманг. Бундай кемада арзимас сайр қилиш у ёқда турсин, у шундаям нозик, омонат эдик, уни кафтингизга олиб енгилгина бир сиқсангиз, аҳмоқ хитойликнинг кўп йиллик иблисона меҳнатини кунпая-кун қилишингиз мумкин.

Хотин кишининг ёлғони менга ўша хитойнинг катта мащақат эвазига ясаган ёнғоқ катталигидаги кемани эслатадики, унга салгина тегиб кетсангиз ҳаммаси бемақсад, беҳуда йўқ бўлади, бир зумда титилиб кетади.

* * *

Пьесани ўқиши кеч соат 12 га белгиланган эди.

Мен бир оз олдинроқ келиб, хонадон эгаси адвокат Лязгов билан лақиллаб ўтиришдан эриниб, сигарани бурқситардим.

Мендан кейин сал ўтмай биз ўтирган хонага Лязговнинг қип-қизил, хушчақчақ хотини кириб келди, унга бир соатча олдин театрда кўзим тушган эди, умумий танишимиз Тания Черножукова билан ёнма-ён ўтиришарди.

— Бу нима деган гап, қувноқ қичқирди Лязговнинг хотини, — соат 12 бўлибдиямки, ҳали одамлардан даррак йўқ?!

— Келишар, — деди Лязгов. — Қаёқдан келаянсан Симочкика?

— Менми... Тальскийнинг синглиси бассейнида сир-панчиқ учдик.

Кресло билан секин оҳиста ўгирилиб Серафима Пет-

ровнанинг юзига қарадим. Нега у алдаяпти? Бу нима деган гап?

Ўйга толдим.

Нега у алдаяпти? Бу ерда ўйнаш аралашганини билиш уччалик қийин эмас. Театрда у доимо Тания Черножукова билан ўтириди, у ердан чиқиши билан тўғри уйига қайтиди. Демак, у театрда бўлганини ёки Тания Черножукова билан учрашганини яширмоқчи.

Шу пайт, Лязговнинг икки-уч марта менга хотинининг Тания Черножукова билан камроқ учрашиши кераклигини илтимос қилгани эсимга тушди, унинг айтишича, бу ярамас, енгилтак аёл хотинига ёмон таъсир этаётган эмиш. Наҳотки, шу арзимас, бўлмагур сабаб туфайли бу аёл шу хил ёлғон гапиришга мажбур бўлса..

* * *

Талаба Конякин келди. Биз билан кўришгач, Лязговнинг хотинига юзланиб сўради:

— Хўш, қалай, бугун театрдаги пьеса сизга маъқул бўлдими... Қизиғ-а?

— Бу гапни қаердан олдингиз? Театрда бўлмаган бўлсам, мен қаердан билай.

— Нега бўлмагансиз? Черножуковникига кирсам Татьяна Викторовнани сиз билан театрга кетди, дейишди.

Серафима Петровна бошини солинтириб, тиззасида юбасини текислаган бўлди.

— Унда Таниянинг аҳмоқлиги учун мен жавобгарми?

— деди заҳарханда оҳангда, — уйдан чиққанда бошқа бирор ёлғон тополмаган бўлса, нима қўйсин.

Лязгов қизиқиш билан хотинига қаради.

— Нега энди ёлғон гапирап экан?

— Наҳотки англамасанг? Эҳтимол ўша шоирникига кетгандир.

Талаба Конякин Серафима Петровнага шарт ўгирилиб:

— Шоир дедингизми? Гагаровми? Бу асло мумкин эмас! Гагаров яқинда Москвага жўнаб кетди. Ўзим кузатиб қўювдим.

Серафима Петровна ўжарлик билан бош чайқаб, қатъий қилиб деди:

— Гагаров ҳарқалай шұтта!

— Тушунмадим, — деди елка қисиб талаба Конякин.

— Биз Гагаров билан дўстмиз. Агар у қайтган бўлса, биринчи навбатда менга билдиарди.

— Эҳтимол, у яшириниб юргандир, — деди Серафима Петровна ботинкаси учи билан гиламга нуқиб. — Уни кузатиб юришибди.

Охирги жумла Гагаров ҳақидағи қалтис сұхбатта нұкта қўймоқчи эди, ундаі бўлмади.

Талаба Конякин ташвишланиб қолди.

— Кузатишади? Ким кузатади?

— Аванылар, улар... изқуварлар.

— Кечирасиз, Серафима Петровна. Галати гапларни гапиравасиз-а... Гагаров инқилобчи бўлмаса, сиёсат билан бир умр шуғулланмаган бўлса, нима сабабдан изқуварлар уни кузатишади?

Серафима Петровна талаба томон ёвуд, бир назар ташлаб олиб, лабларини чўччайтириб, шарт-шарт жавоб берди:

— Аввал шуғулланмаган бўлса-да, энди шуғулланади. Биз ҳаммамиз ҳам. Ҳа, ўша Гагаров, Магаров ҳам. Чой ичасизларми, жаноблар?

* * *

Яна бир меҳмон — газета шарҳловчиси Блюхин кириб келди.

— Ув, совуқ, — деди у, — лекин мазза! Шундайм расво совуқки, ҳозир мен икки соатча коңкила учдим. Бассейнда яхмалак жуда зўр бўлган.

Лязгов стакандан чой ҳўплаб турив:

— Менинг хотиним ҳам ҳозиргина ўша ёқдан келди. йўчрашгандирсиз?

— Нималар деяпсиз?! Ҳайрон бўлди Блюхин. — Қун бўйи коңкила учдим, аммо сизни ҳам, Серафима Петровнани ҳам учратмадим.

Серафима Петровна кулди.

— Лекин мен у ерда бўлдим. Яна-чи Мария Шемшуриниа билан.

— Қизик, сизни ҳам, у кишини ҳам кўрмадим. Бунинг устига яхмалак учадиган жой унчалик катта эмас, кафтдагидек кўриниб туради.

— Биз кўпроқ мусиқага яқин ўтиридик, — деди Серафима Петровна, — коңкимни виити ҳам бўшаб қолди.

— Э, шундайми! Агар истасангиз ҳозирининг ўзидаёқ тузатиб бераман. Мен бу ишларга устаси фарангман. Қани, қаерда?

Серафима Петровна оёғини гиламга қаттиқ уриб:

— Мен уни аллақачон устага бериб қўйдим, — деди.

— Бу қоренку кечада қачон коңкингни устага бериб улгурдинг? — деди Лязгов.

Серафима Петровнанинг аччиғи-чиқди:

— Бериб юбордим вассалом! Нега мунча тиқилинч қиласан? Тезкор ишлар билан шуғулланувчи устахона очиқ экан. ӽашанга бердим. Слесарнинг оти — Матвей экан.

* * *

Нихоят анчадан бери кутилаётган драматург Селиванский найча қилиб ўралиб лента боғланган пьеса билан кириб келди.

— Узр, бир оз кечикдим, — деди у хижолат чекиб. — Кетворган бир жонон ушлаб қолди.

— Драматургга талаб катта. — деди Лязгов. — Ким сени ушлаб қолди?

— Шемшуриниа, Мария Александровна. Үнга пьесани ўқиб бердим.

Лязгов чапак чалиб юборди.

— Алдама, алдама драматург! Драматург ўзининг ишқий саргузаштларини яширмоқчи! Сен ҳеч қандай Шемшуринага пьесангни ўқиган эмассан!

— Нега ўқимаган эканман? — деда қичқирди Селиванский атрофдагиларга шубҳали қараб. — Ўқидим! Фақат ўша Шемшуринанинг ўзига ўқидим.

— Ҳа-ҳа, — кулди Лязгов, — Симочка, үнга айтсанг-чи қўлга тушганини, ахир Шемшуриниа сен билан яхмалакда бўлганини айтмайсанми?

— Ҳа, у мен билан бирга эди; — деда бошини ликиллатди ҳаммамизга совуқ бир назар ташлаб олиб.

— Қачон?! Соат саккиз яримдан ўн иккигача уникида ўтириб ўз комедиямни ўқиб бердим.

— Сиз бирор билан адаштираётгандирсиз, — деда елка қисди Серафима Петровна.

— Нима? Нимани адаштиришим мумкин? Соатни адаштиришим мумкин, Шемшуринани адаштиришим мумкиндир, эҳтимол, борингки ўз пъесамни календар вароги билан адаштирай ҳам дейлик?! Ахир шунча адаштириш сира мумкин бўлмаган гапку?!

— Чой ичасизми? — деда таклиф қилди Серафима Петровна.

— Йўқ, буни ҳал қилмаса бўлмайди! Шемшуриниа сиз билан яхмалакда қачон бўлган эди?

— Соат ўн-ўн бирларда.

Драматург асабий чапак чалиб юборди.

— Табриклайман сизни. Бу пайтда мен унинг уйида пъесамни ўқиб ўтирадим.

Серафима Петровна бир қошини аянчли кўтариб тушириди.

— Тўгри! Эҳтимол бу ҳаётда Шемшурина иккитадир? Еки бошқа бир хонимни Мария Александровна деб хаёл қўлгандирман? Ёким мен яхмалакда кеча бўлгандирман... Ҳа-ҳа!

— Ҳеч нарсага тушумаяпман! — ҳайрон бўлди Селиванский.

— Ҳа-ҳа, ана шунаقا, — дея хиринглади Серафима Петровна. — Энди билгандирсиз? Оҳ, Селиванский, Селиванский...

Селиванский елкасини қисиб қўллээмани ағдариб кўра бошлади.

Меҳмонхонага ўтаётганда мен Серафима Петровнага бир дақиқа кабинетда қолинг дея имо қилдим.

— Сиз бугун яхмалакда бўлдингизми? — деб сўрадим бепарво.

— Ҳа, Шемшурина билан.

— Мен бугун сизни Таня Черножукова билан театрда кўрдим.

У портлагандек бўлди.

— Ҳечамда. Нима, ёлғон гапириб менга зарил кебдими?

— Албатта, алдаяпсиз. Мен сизни ўз кўзим билан кўрдим-ку.

— Бошқа бирорни кўриб, мен деб ўйлагансиз...

— Йўқ. Сиз ёлғонни ҳам эплаб гапиролмасдан, шунча одамни овора қилиб ўтирибсиз... Бир ёлғон иккинчисига уланиб ноқулай аҳволга тушиб қолдингиз... Нега яхмалак ҳақида эрингизни алдаб ёлғон гапирдингиз?

У оёқлари билан гиламга тепиниб қўйди.

— У менинг Таня билан учрашувимни яхши кўрмайди.

Хозир мен Таня билан сизни театрда кўрганимни унга бориб айтаман.

У менинг қўлимдан ушлаб, қўрқув аралаш, лаблари титраб:

— Сиз бундай қилмайсиз! — деди.

— Нега қиломас эканман?... Қила оламан!

— Жонгинам, дўмбоғим... Айтмайсиз-а? Шундайми?

Айтмайсиз-а?

— Айтаман.

У беихтиёр қўлларини елкамга ташлаб, мени қаттиқ ўпди, бағрига босиб, узук-юлуқ пицирлай бошлади.

— Ана энди айтмайсиз? Йўқ...

* * *

Драмани ўқигандан сўнг кечки овқатга ўтирдик.

Серафима Петровна бутун зиёфат давомида ўз нигоҳларини мендан олиб қочар, эри атрофида гирди капалак бўлларди.

Суҳбат асносида у эридан сўраб қолди.

— Бугун оқшом қаерларда бўлдинг? Соат учдан бери ўйқсан-ку?

Мен қизиқиб эрининг жавобини кута бошладим. Ҳали кабинетда бўлганимизда Лязгов бугун анча саёқ юрганини очиқ-ойдин ҳикоя қилиб берган эди: Одессадан унга бир француз хоним келган, жуда зўр қўшиқчи, гўзал жувон эмиш, Констаннинг кабинетида бирга тушлик қилишибди. Тушликдан сўнг автомобилда айланибдилар. Кейин у Грант Отелда ўша хонимнинг номерида бўлиб ишрат қилибди. Кечликада уни «Буфф»га олиб борибди, кейин хонимни ўша ерда қолдириб келибди.

— Бугун қаерда бўлдинг?

Лязгов хотинига бурилиб, бир муддат ўйлаб олиб жавоб берди:

— Мен Констанникида бўлдим, тушлик қилдик. Битта одессалик мижоз билан унинг француз хоними ва мен биргаликда тушлик қилдик. Кейин Усацевскийлар иши бўйича ишончли вакили билан француз хонимнинг автомобилида унинг мулкига бордик. Жуда бадавлат аёл экан. Сўнг бир помешчикнинг Грант Отелдаги номерида бўлдим, кечга яқин бир танишим билан учрашиб, бир муддатга «Буфф»га кириб ўтдим. Ҳаммаси ана шу.

Мен ичдан кулиб қўярканман:

— Ана буни ҳақиқий ёлғон деса бўлади, — деб ўйладим.

БҮРИ ПУСТИН

Ёзишма:

Пианиночи Зоофилов амалдор Трупакиндан вақтингча бўри пўстинини сўраб олган эди... Зоофилов шубани бир ҳафтадан кейин қайтараман, деб ваъда беришига қарамасдан, аксинча уни бир татар кишига сотиб, пулини ўртоқлари билан ичib тутатди. Трупакин Зоофиловнинг бу қўлмишидан қаттиқ ранжиди.

I

Декабр ойининг қаҳратон совуғида пианиночи Зоофилов таниши амалдор Трупакиннинг хонасида ўтириб, унга шундай деди:

— Азизим, айтинг-чи, бир ҳафтагина бўри пўстинингизни бериб туролмайсизми? Чебурахинскийга концертга бормоқчи эдим. Пальтом бору, жуда юпқа. Чебурахинскийгача от билан ўттиз чақиримча келади. Пўстинингизни бир ҳафтага бериб савобли иш қилинг.

— Бирданига йўқолиб қолса-чи? Уни йўқотсангизчи?

— Йўр-е, йўқолмайди. Худо сақласин...

— Узимга керак бўлиб қолса-чи?

— Ахир сизда бошқа янгиси бор-ку.

Амалдор Трупакин қуруқ лаби билан кўкиш мўйловини ялаб, ойна томон қараб олиб деди:

— Борликка бор. Янгиси. Албатта, яқин танишлар бир-бирларига бажону дил ёрдам беришлари керак. Худога шукур, ҳар қалай биз ҳайвон эмасмиз-ку. Яхши, Стефан Семёнович. Сизга пўстинни бераман. Одамзод ит эмаски, совук қотмаса.

Пианиночининг кўзлари шодлиқдан чақнаб кетди.

— Берасизми? Унда, раҳмат.

— Бераман, дедимми, албатта, бераман. Бўлмасам-чи... Пўстин ейилиб қолмайди-ку? Шундай эмасми?

— Албатта, албатта.

— Узим ҳам шундай деб ўйлайман, Марья Семёновна.

Амалдор Трупакин хонага кирган хотинига мурожаат қилди:

— Биласанми, Марина, бизнинг пианиночимиз навбатдаги концерт сафарида музлаб қолишдан қўрқиб турибди. Шубани чиқариб бера қол.

— Жуда яхши, — деди хотин, — бёмалол лойиқ келади.

— Узим ҳам шундай ўйлаб турибман, биз ҳайвон эмасмиз-ку инсонни совқоттириб қўйсак. Шундай эмасми?

— Сиздан жуда миннатдорман, Иван Петрович.

— Миннатдорчиликнинг нима ҳожати бор... Ҳаммамиз бир-биримизга ёрдам беришга бурчлимиз? Ахир биз ҳайвон ёки ваҳший эмасмиз-ку. Ҳа-ҳа! Худога шукур, бўйнимизда хочимиз бор.

Ишхонасида телефон жиринглади.

— Алло! — деди Трупакин телефон гўшагини олиб.

— Сизми, Анна Спиридовна? Яхшимисиз? Лаббай? Раҳмат. Нима? Зоофиловми, менинг ёнимда ўтирибди. Лаббай? Қаранг-а, шу қаҳратон совуқда концерт бергани бораркан. У мендан бўри пўстинимни олмоқчи. Майли, ола қолсин. Бекор ётиби, олиб жонининг ҳузурини кўрсий. Худога шукур, ёввойи эмасмиз-ку... Лаббай? Майли саломат бўлинг.

Трупакин гўшакин жойига осиб қўяркан, меҳрибонлик билан Зоофиловга қаради:

— Бугун обкетасизми? Ҳозир ҳаммасини ҳал қилалими. Палашка! Қаердасан, Палашка, тезда сандиқни очиб, пўстинни ол-да, чойшабга ўраб манови баринга бер. Кўряпсанми, Палашка, бу киши вақтингчага шубани бериб туришимизни сўраб келган. Барин сафарга кетмоқчи, аёз бобо уни тишлиб дабдала қилади. Ўйлаб қарасам, пўстинни бермасликнинг ҳеч иложи йўқ. Яхши одамнинг ҳожатини чиқарай, дедим.

Трупакин хушчақақ кулганда майин, қувноқ кулгичлари кўзлари атрофига тўпллангандек бўлди. Сўнг Трупакин бош чайқаб, чуқур хўрсиниб тайинлади:

— Эҳ, қани энди ҳамма инсонлар бир-бирига шундай дўстона ёрдам берсалар, қандай яхши бўларди. Гўзал ва ҳароратли яшашарди. Қетяпсизми? Ҳўп, худонинг паноҳида бўлинг. Пўстинни олиш эсингиздан чиқмасин. Қачон кетасиз? Эртамас-индин? Ҳўп-хўп...

Зоофилов яна бир марта Трупакинга чуқур миннатдорчилик ва ташаккурлар билдириб, бўри пўстинни кўлтиғига қисиб жўнади.

Трупакин клубга боришига отланди.

Кийиниб кўчага чиқди ва извошда жўнади.

— Нега қистамаяпсан? — сўради у извошчидан отлар юриб кетаркан.

— Ҳайдаяпман.

— Яхши укам. Ҳар қалай ёз қишдан яхши бўлса керак.

— Аста айтасизми?

— Қишида ҳатто чой ҳам муздай.

— Албатта совуқ-да.

— Шунаقا, шунаقا қишида жоним укам, камбағалга азоб.

— Тўғри. Гапнинг индаллоси шу.

— Ҳа, жоним укам. Бизникига битта мусиқачи келиб туради. Унга қарасангиз жоним укам, раҳмингиз келиб кетади. Шундай қаҳратон қишида билсангиз сафарга отланиб қопти. Нима ҳам қилардим. Ўзимнинг бўри пўстинимни унга бериб, кийиб ол, дедим. Бечорага раҳмим келди. Тўғри қипманми?

— Жудаям.

— Шунаقا, шунаقا. Бахиллик қилишнинг нима кераги бор. Худога шукур, одамхўр эмасмиз-ку. Ҳар қалай кўкрагимизда юрак бор. Шундай эмасми?

— Тўғри, бечора кишига нега ёрдам берилмас экан.

— Шундай. Унга бўри пўстинимни чиқариб бердим. Ма, кийиб ол, дедим. Шунаقا, жоним укам. Ҳазрати Исонинг ўзлари бечораларга ёрдамлашинг, дея васият қилганлар. Шундай эмасми?

Извошли бу саволга жавоб бермади ва бир оздан кейин, бурнини қаттиқ тортган эди, отлари йўртиб кетди.

II

Зоофиловни кузатиш учун вокзалга бир қанча улфатлари чиқишиди.

— Яхши қўлга киритибсан, — деди Зоофиловнинг белига шапатиларкан актёр Карабахский.

— Нимани қўлга киритибман?

— Пўстинни-да. Ахир уни Трупакиндан олганмишсан-ку. Жуда сахий ва серҳиммат қария экан.

— Сен пўстин ҳақида қаердан эшиздинг?

— Кеча у клубда шундай деб қолди. Жуда ажойиб йигит экан. Ҳаққоний насроний. «Ўз яқинларингга ёрдам бериш керак. Биз, худога шукур, қандайдир йўлбарс эмасмиз-ку», дейди. Жуда кўнгли очиқ чол экан.

Суҳбатдошлар даврасига совуқдан қизарган қўлларини ишқалаб Манечка Белобарова келиб қўшилди.

— Кетаяпсизми, — деди у Зоофиловга меҳрибларча тикилиб. Кейин паст овозда маслаҳат берди.

— Яна унутмадингизми? Совқотасиз.

— Нималар деяпсан, Манечка.

— Тушунаман, совқотмайсиз. Ҳеч бўлмаса Трупакинларнинг пўстини сизни иситади.

— Тру...пак?

— Ҳа-да. Мутлақо, тўсатдан эшишиб қолдим. Уларнинг пўстинини сўраб олганинг жуда яхши бўлибди. Ақлиннинг қойил.

— Қимдан билдинг? — деб сўради Зоофилов қовоғини солиб. — Трупакинданми?

— Э, йўқ. Курсларга қатновчи дугонам бугун келган эди. Ӯша айтди. Билмадим, у кимдан эшишиб экан. Трупакин шундай олиҳиммат экан. Агар у шу ерда бўлганида, бу сахийлиги учун уни қайта-қайта ўпид олган бўлардим.

Зоофиловни кузатишга Трупакин ҳам келди. У учинчи қўнғироқдан кейин кечикиб келгани учун анча ташвишли кўринарди.

Поезд жилди. Майдончада тик турган Зоофилов дўстларига ҳавои бўса йўлларкан, Трупакиннинг атрофидагиларга айтган сўзларини эшишиб.

— Шундай ёш йигитни қандай қилиб дилдираган пальтода жўнатиш мумкин, деб ўйладим. Ҳа-ҳа. Пўстинимни бердим. Бўри терисидан. Ҳали яп-янги. Мазза қилиб кийисин дедим. Худога шукур, аллақандай қоплон териси эмас. Одам ит эмаски, у совқотиб кетаверса.

Бир соатдан кейин Зоофилов ухлашга ётди. Кунепенинг ёлиқ эшигидан иккала кондукторнинг овози эшитилди.

— Уни қаерга жойлаштирасак экан? Ҳаммаёқ банд бўлса, бошимизга ётқизамизми?

— Қаерга бўларди? Мунча диққат бўлмасанг. Анони Трупакиннинг пўстинини кийиб кетаётган жанобнинг купесига жойлаштири. Униси читтакдек биқиниб кетаверади.

III

Чебурахинский кичкина шаҳарча бўлса-да, ўз газетасига эга эди.

Концерт ташкилотчиси Зоофилов келиб тушгац, беш дақиқа ўтар-ўтмас унга дўстона разм солди ва чўнта-

гидан «Чебурахинский овози» газетасини олиб, остига чизилган жойларини кўрсатди:

«Худо ярлақаган шаҳримизга атоқли пианиночи Зоофилов концерт бериш учун ташриф буйорганидан ниҳоятда баҳтиёрмиз. Шундай қаҳратон совуқ бўлишига қарамасдан моҳир санъаткор ўз мухлисларини албатта хурсанд қиласди, деган умиддамиз. Энди ажойиб мусиқачининг шахсий ҳәётидан бир-икки лавҳа: машҳур артистнинг айтишича, унинг бу сафарга отланиши жуда ҳам осон бўлмаган. Ҳатто, унинг иссиқ кийими ҳам йўқ экан. Энг охирида талантли артистнинг яқин дўсти Трупакин унга ўзининг бўри пўстинини вақтинча бериб турибди. Ана шундан кейингина эл сўйган санъаткор сиз билан бизнинг ҳузуримизга келишга имкон топди».

Концертдан кейин Зоофилов ўз ҳомийси ва мухлислари билан кечки зиёфатда бўлди. Анча ичилди... Ҳамма учун қадаҳ кўтарилди: Зоофилов учун, мухлислар учун, яна Бетховен учун...

— Қизғин қабул учун ташаккур, — деди Зоофилов кўз ёшларини артиб.

— Йўқ, — деди кайфи ошиб қолган ҳомий. — Келинглар, яхшиси, Зоофиловнинг бизнинг қабулимиздан ҳам кўпроқ қизитган машҳур Трупакин пўстини учун ичайлик.

Зоофилов ўрнидан сакраб туриб, стулни ирғитиб юборди.

— Тўхтанглар! — дея қичқирди у. — Бошқа чидай олмайман!!! Татар савдогарни топиб беринглар! Худо ҳаққи! Татар бойларинг қаерда?

IV

Трупакин телефон гўшагини олиб гапира бошлади:

— Алло! Ким бу телефонда? Анна Спиридонами? Салом, яхшимисиз? Нима? Қандай? Яхши бўлмабди. Мен кекса аҳмоқ одамларни сира хафа қилгим келмайди. Улар эса кўнгилчанлигимдан фойдаланиб... Нима? Мен раҳмдиллигим учун, ярамас Зоофиловга ўзимнинг бўри пўстинимни бир ҳафтага бериб турган эдим. У бўлса... биласизми, нима қипти? Куппа-кундуз куни битта татарни топиб, унга сотибди. Пулини эса ўзининг ялоқ улфатлари билан ичиб тугатибди... Айтииг-чи, энди, бундан сўнг одамларга ишониб бўладими?.. Лаббай, хайр.

Трупакин телефон гўшагини жойига осиб, алам билан бошини эгганча даҳлиза чиқди.

— Мен кетдим, Палашка... Шунақа, укам Палашка, ишонганим учун мен кекса аҳмоқни лақиллатиб кетишди... Бўри пўстин эди-я. Йў-ўқ! Яхшиликка ёмонлик дегани шу бўлса керак-да. Вой, худойим. Булар одам эмас, нақ йўлбарснинг ўзи-я!...

Кўчага чиқиб Трупакин извошга ўтириб, чуқур хўрсинди ва хўрсиниқ арадаш деди:

— Совуқ зўр-а.

— Ҳа, ўйиб оляпти.

— Бечора одамга пўстинсиз мушкул.

— Гап йўқ.

— Лекин-чи, жоним укам, ҳозир одамлар одам эмас, қоплоннинг ўзи бўлиб кетишган. Шу кунларда бизнекига бир мусиқачи келиб: «Ялинаман, менга бўри пўстинингизни бериб турсангиз», деб илтимос қилувди. Қарасам, совқотиб кетибди... Биласанми, раҳмим келиб унга пўстинимни бериб юбордим. Сен извошли, жоним укам, нима деб ўйлайсан?

ХУДОНИНГ БЕРГАН ҚУНИ

Үйда

Эрталаб хотиним ҳали ухлаб ётган бўлади, мен ошхонага чиқиб унинг холаси билан ўтириб чой ичаман. Хола дегани, мижғов, семиз бир хотин бўлиб, пиёлани ўнг қўлининг жимжилогини керган ҳолда ўта олифталарча ушлайди. У ўнинчи бўлак ширин кулчани тушириб, суюқ чойни атайин қошиқ билан аралаштириб менинг диққатимни чалғитмоқчи бўлади.

— Бугун қандоқ ухладингиз? — деб сўрайди.

— Жуда яхши. Тун бўйи хаёлимдан нари кетмадингиз.

— Вой, худойим! Мен сиздан тўғри гапни сўрасам, нуқул ўринисиз ҳазиллашасиз-а.

Мен унинг туршайган бетларига қарайман.

— Яхши, бўлмаса жиддий гаплашамиз... Бу оқшом қандай ухлаганим сизни қизиқтирадими? Бунинг сизга нима кераги бор? Мабодо бу оқшом ёмон ухладим десам, хафа бўлиб кун бўйи ўйлаб юрмайсизми? Агар мен сизга бу оқшом яхши ухладим десам, хурсандчиликдан кун бўйи яйраб юрасизми?.. Ўша қуни сиз учун гўё байрам ва ҳамма ёқ қўёш нуридан мунаввар бўлиб, юрагингиз ором оладими?

Хола ранжиб, пиёлани нари суриб қўйди.

— Сизни тушунмайман.

— Ана бу бошқа гап, самимий. Албатта, сиз мени тушунмайсиз... Худо ҳаққи, шахсан Сизга қарши менда ҳеч нима йўқ. Сиз шунчаки бир содда холасиз... бирор бир нима демагунча жимгина ўтиринг. Тамом, вассалом. Ахир сиз мендан ўринисиз, кераги бўлмаса-да, ўтган оқшом қандай ухлаганимни сўрадингиз. Агар мен сизга, «Раҳмат, яхши» деб жавоб берсам, қийналиб бўлса-да нағбатдаги жумлаларни излаб топардингиз. Масалан, «Женя ҳали ухляяптими?» деб сўрардингиз, гарчанд унинг ухлаб ётганини ўзингиз ҳам билсангиз-да, чунки ҳар қуни шу пайтда у ухлаб ётган бўлади. Чойга соат ўн иккиларда чиқади. Бу ҳам сизга маълум...

Биз узоқ вақтгача жим ўтирамиз. Сукут сақлаш хола учун мушкул. Гарчанд у ранжиган бўлса-да, қизил кенг манглайи остида, яна нима десам экан, деган

үқувсиз, дағал бир маъно ўйнарди. Ниҳоят у ойнага қараб олиб:

— Кунлар ҳам чўзилиб кетди, — деди.

— Нималар деяпсиз ростданми?! Буни қаранг-а. Ростини айтинг, кишилик фани учун янгилик бўлган бу фактни бирор ерда эълон қилмоқчимисиз ёки шунчаки янгиликдан кейин мен нима қилишим кераклигини огоҳлантирмоқчимисиз?

Хола ўрнидан сакраб туриб, тақирлатиб стулни нари итарди.

— Сиз қўполсиз... қўполсиз, бошқа ҳеч нима.

— Хўп, шундай, бошқа ҳеч нима. Менинг бошқа фазилат ва нуқсонларим ҳам йўқ эмас. Очиги мен бутунлай қўпол эмасман. Нега энди сиз менга қуннинг узайгани ҳақида хабар бериш зарур деб ўйлайсиз? Ахир бу ҳақда ҳатто гўдаклар ҳам яхши билишади-ку. У соатдан ҳам, календардан ҳам, чироқларни кечроқ ёқилишидан ҳам маълум-ку.

Хола семиз елкаларини титратиб йиғлай бошлади.

Мен кийиниб үйдан чиқдим.

Қўчада

Рўпарамдан хизматга шошилаётган амалдор Хрякин чиқиб қолди. У ташвишли тез қадам ташлаб бораради. Мени кўргач юзларига ажойиб табассум ёйилди. (Биз у билан ҳар кун учрашамиз.) Дарҳол қўл чўзиб йўл-йўлакай.

— Аҳвол қалай, нималар қилиб юрибсиз? — деб ўтиб кетмоқчи бўлди.

Лекин мен унинг қўлини қўйиб юбормасдан, жиддий қиёфада сўрадим.

— Аҳволимми? Ҳозир сизга ҳаммасини айтиб бераман... то ҳозирга қадар ҳаётимда ҳеч қандай айтарли ўзгариш рўй бермаган бўлса-да, сизни қизиқтирадиган айrim фактлар йўқ эмас... Ўтган қуни шамоллаб қолдим, жуда хавфли деб ўиласам, йўқ, арзимас нарса экан. Термометри қўйсам унда...

Амалдор Хрякин бўшатиш учун оҳиста қўлини тортиди, лекин мен уни қўйиб юбормасдан бир хил оҳангда ҳар бир сўзни дона-дона қилиб сўзимда давом этдим:

— Шунақа... Нима бўлди менга ўзи, деб... Ойнани олиб томоғимга қарадим—қизармаган... Ҳаммаси бехуда гап... Очик ҳавода айланиш керак... Чиқдим... Қарасам почтани чақирув қофози обкеляпти. Нега мунча

шовқин, деб ўйладим... Кимдан бу чақириқ қоғози...
Биласизми...

— Кечирасиз, — деди Хрякин изтироб чекиб, — мен шошилиб турибман.

— Ыўқ, ахир сиз менинг аҳволим билан қизиқдингиз-ку? Нималар қилиб юрганимни сўрадингиз. Ҳозир нима қилиб юрганимни айтиб берсам... Ҳўп қаерда тўхтаган эдик... Нима қилдим? Кеча мен Қокуркинларнига, ҳаваскорлик спектаклини кўришга бордим. Ўша ерда Мария Потаповнани учратиб қолдим. «Эртага албатта келинглар» деди у ва...

Хрякин одамгарчиликни ҳам унутиб менинг қўлимдан бармоқлари ёпишиб қолган қўлини тортиб олди да йўловчиларга урина-сурина қочиб кетди.

Мен гарансирараб йўлкадан кетаётган эдим, дақиқа ўтмасдан бошқа бир танишим Игнашкинга рўпара келдим.

Игнашкин ҳеч қаёққа шошилмаётган эди.

— Салом, бирор янгилик борми?

— Бўлмасамчи, — дедим ҳансирараб, — Везувий кеча портлабди. — Уқидингизми?

— Шундайми? Ыўғ-е. Мен кеча клубда эдим. Етти сўм ютдим. — Чекасизми?

— Ыўқ, чекмайман.

— Қандай баҳтиёрсиз пул тўплайпсизми?

— Йўқ.

— Бу ҳақда айтишади-ку...

— Яхши биламан. Бир киши бошқасига: «агар сиз чекмасдан пул тўплаганингизда, ўзингизнинг уйингиз бўлган бўлурди» — дебди. Иккинчиси ундан сўрабди: «Сиз чекасизми?» — «Йўқ» — дебди. «Демак уйингиз бор экан-да». — «Йўқ!» Э, ҳа-ҳа дея кулишибди. Қалай?

— Мен ҳам шу латифани сизга айтмоқчи эдим. Қаёқдан била қолдингиз?...

Унинг сўзини бўлдим.

— Аҳволлар қалай?

— Бир нави. Ўзингизчи?

— Раҳмат. Хайр. Кириб туринг.

— Кирибман. Хайр. Раҳмат.

Унинг хотиржам, уйқусираган юзига нафратомуз қараб:

— Сиз бахтили одамми, жин урсин сизни?

— Нега жин урсин.

— Шунаقا латифа бор. Хайр. Кириб туринг.

— Раҳмат киравман. Дарвоқе, янги арман латифасини биласизми?

— Биламан, биламан, жуда кулгили. Хайр, хайр.

Аза дастурхонида

Шу куни мен азада ёзилган тушлик дастурхонида бўлдим. Стол усти шишалар, кўлбаса, пирог яна бошқа ликопчаларда увлодириқ юлдузча шаклида кесиб қўйилган. Оғзига рўмолини босиб бёва аёл ёнимга келди.

— Эшитдингизми? Қандай баҳтиқароман...

— Албатта эшитдим... Бўлмаса бу ерга келармидим. Ахир фотиҳага қўшилиб турибман-ку.

— Ҳа-ҳа...

Мен, «Раҳматли ўлими олдидан жуда қийналдими, худонинг иродаси, ҳаммамиз ҳам бир кун унинг ҳузурiga борамиз», дея марҳумнинг бевасини юпатмоқчи эдим, лекин бунинг ўрнига:

— Нега рўмолни оғзингизга босиб юрибсиз? Ахир кўз ёши у ертан эмас, кўзингиздан томади-ку? — деб сўрадим.

Бёва аёл диққат билан менга қараб олди-да, тўсатдан узата бошлади:

— Ароқми? Қолбасами? Марҳамат еб, раҳматликни хотирасини хурсанд қилинг.

Яна ҳўпиқиб йиғлай бошлади.

Бинафша ранг кофта кийган аёл ҳам йиғлайди ва уни юпатади:

— Бўлар энди! Ўзингизни босинг...

— Ыўқ!!! Ўзимни боса ол...май...ман. Энди нима қиласман? Мени қай кунларга солдинг, Иван Семёнович?..

— Кай кунга солди? — дея қизиқиб сўрадим.

— Ўлди-ку...

— Шунаقا, — деди кир кўйлак кийган бурни кўкиш чол, — одам боласи яшай-яшай оқибат ўларкан.

— Сиз нимани истардингиз? — дейман қовоғимни уйиб.

— Тушунмадим, — деди бурни кўкиш чол.

— Нимасини тушунмайсиз. Сиз яшай-яшай оқибат ўларкан, дедингиз. Нима одам боласи яшай-яшай оқибат сultonнинг саройидаги ахта қулга айланишини хоҳлармидингиз?.. Ёки сут фермасидаги сигирга айлансинми?

Чол кутілмаганда бүғилиб, йўтала-йўтала кула бошлади.

Ўзимча хаёл сурардим: эҳтимол, бу чолни савоб учун чақиришган бўлсалар керак. Эҳтимол бу чол мени мотам маросими ташкилотчиларидан деб ўйлаб, ўзини ҳайдаб юбормасин, деб қўрқса керак.

Мен унинг нам қўллариңи ушлаб ўзига келтиromoқчи бўлдим. Йўғон бир жаноб (оғзиға бир бўлак ханталли ветчинани жойларқан) кўзёшини артиб сўради:

— Марҳумнинг ёши нечада эди?

— Олтмиш.

— Оҳ, худойим, — деди йўғон киши. — Хали бемалол яшаса бўларди.

Бу қадимий жумла, яна шундай учта қадимиј жумлани туғдиради.

— Худонинг ўзи берди ва яна ўзи олди! — деди қироат билан сочи патила руҳоний.

— Бир куни ҳаммамиз худонинг ҳузурига борамиз, деди бинафшаранг кофтали хоним.

— Айтишадику ҳаммамизнинг жойимиз ўша ерда, деде бараварига хўрсиниб қўшилишди яна икки меҳмон.

— Худди шундай айтишади, — мен ҳам гапга қўшилишман. — Мен, очиги, Иван Семёновичга ҳавас қиласман!

— Ҳа, — хўрсинди йўғон. — У аллақачон ўша ерда!

— Ўша ердами, бошқа ердами бу ҳали номаълум...

Лекин биз нимани эшитсанк у ҳам эшитиб турибди.

Йўғон кутілмаганда менга әнгашиб, қулоғимга:

— У тириклигига ҳам кам эшитарди. Эси паст, қип-қизил тентак эди раҳматли. Ҳатто хотинининг ҳамма приказчиклар билан дон олишганиң сезмасди ёки эшитмасмиди?

Шунаقا биз тентак, бефаросат одамлар ўзимизнинг яна бир довдир эси паст ўртогимизни кўмниб, уни хотирлаб ўтирибмиз.

Хурсандчилик

Шу кун мен буларнинг ҳаммасидан ташқари. Кормалеевларнида бўлиб туни билан хурсандчилик-ҳам қилдим.

Етти киши рангпар, чарчоқ хонимни ўраб олганча ялиниб, ёлвориб куйлашини илтимое қилишади:

— Битта қўшиқ айтиб беринг.

— Тўғриси, айта олмайман...

— Айтинг илтимос!

— Ишонинглар менга, бугун овозим яхши эмас.

— Айтсайиз бўлади!

— Тўғриси мен ялинтиришни хўш кўрмайман, жабоблар... мен...

— Куйласангиэчи.

— Айтдим-ку—овозим хаста...

— Зарари йўқ куйласа бўлади!

— Сизларга нима десам экан, — дея кулди хоним.

— Куйлашга тўғри келади.

Бу ҳаётда кераксиз нарсалар мунча кўп бўлмаса: хонимнинг қўшиқ айтишини жуда илтимос қилишганда у куйлашни истамаганини аввал бир ўйлаб кўрса бўларди-ку... Охир-оқибат бутунлай акси бўлиб чиқди, уни ҳеч ким кўндира олмагач, у тўсатдан жазавага тушиб ўзининг ёқимсиз овози билан ёмон бир романни куйлашга киришди. Шу билан тугади.

У куйлаганда, ҳамма ўзаро шивирлаб, кулиб ўтиришиди. Бироқ охирги пардага етганда, хонимнинг талантига қойил бўлгандек жимиб қолишдики, ҳатто қарасак чалишини ҳам эсдан чиқаришиди.

Хозир, ҳамма ҳушёр тортиб, «Қойил! Қандай зўр талант!» деб олқишлисалар керак деб ўйладим.

Бир дақиқалик дөвдираб қолишдан фойдаланиб, бармоқларим билан столни чилдирма қилиб:

— Ҳа-ҳа... Зўр эмас, мазаси йўқ. Бўш Ҳақиқатан ҳам овозингиз йўқ экан, — дедим.

Ҳаммалари чувиллашиди. Туриб қўшни хонага чиқдим. У ерда бошқа бир хонимга дуч келдим: юзлари чиройли, кўринишдан ақлли, бу хоним. Бу ерда мен дам олиб сухбатлашадиган бирдан-бир жонон эди.

— Келинг, лақидашамиз, — дедим унинг ёнига ўтирасканман. Сиз ақллисиз, ҳар нарсага жаҳлингиз ҳам чикавермаса керак. Бу ерда нечта хонимсизлар?

У менга кулимсираб қаради.

— Олти дона.

— Ҳаммалари ҳам эрга чиқишини хоҳлайдими?

— Жуда ҳам.

— Сухбатлашганда ҳаммалари ҳеч қачон, сирайм турмушга чиқмайман дейишади-ку.

— Бўлмасамчи... ҳамма.

— Эрларини шилиб бўлгач, ҳаммалариям уларга бевафолик қилишадими?

— Агар мижози иссиқлари хоҳлашса бевафолик

қилишади. Бўлмаса фақат эрларини шилишади, жолос.

— Сиз ҳам шунақами?

— Мен ҳам...

Хонада икқаламиздан бошқа ҳеч ким йўқ эди. Мен дилрабо жувонни қаттиқ қучиб, уни меҳрибонлик билан ўпдим ва бир оз овуниб Кормалеевларнидан ташқа-рига чиқдим.

Үйқу олдидан

Хотиним уйда мени кўз ёши билан қарши олди:

— Нега эрталаб холамни хафа қилдинг?

— Нега холанг гапиради!

— Ахир доим жим туриш мумкин эмас-ку.

— Агар гапиришга сўзи бўлмаса мумкин.

— Қари аёл. Эскиларни ҳурмат қилиш керак.

— Бизни эски гиламимиз бор. Шу гиламни калтак билан уриб, чангни қоқишини ҳар куни хизматчи қизга буюрасан. Рухсат берсанг холангни ҳам шундай қиласадим. Иккаласи ҳам эски; иккаласи ҳам ярамас, иккаласи ҳам чангли.

Хотиним йиглайди ва менинг яна бир куним одатдаги мумтоз жумлалар билан тугади.

— Сиз эркаклар ҳаммаларинг бир гўр.

Уйқуга ётаман.

— Э, Худо! Ақалли сен баңдаларингга раҳминг келсин, уларга яхши-яхши, ёруғдан-ёруғ тушлар ҳадя этигин.

НИНОЧКА

Тортиш хизмати бошлиғи, кекса Мишкин кабинетига ходима Ниночка Редковани тақлиф этиб, унга иккита хомаки қоғоз узатиб, оққа кўчириб беришни илтимос қилди. Мишкин бу қоғозларни узата туриб, қуёш ёруғида Ниночкага биринчи марта диққат билан разм солди. Унинг рўпарасида ўрта бўйли, кўкраклари баланд, семизгина қиз турарди. Унинг чиройли, оппоқ бетлари хотиржам, факат вақт-вақти билан кўм-кўк кўзлари учқун сачратиб турарди. Мишкин қизга яқин келиб сўради:

— Сиз... биласизми... Майа бу қоғоаларни кўчириб берсангиз. Сизни қийнаб қўймайманми?

— Нега энди? — ҳайрон бўлди Ниночка, — Мен бунинг учун ойлик оламан.

— Шундай-шундай... ойлик. Тўғри, ойлик оласиз. Машикага қадалиб кўкрагийтис оғримайдими? Шундай чиройли кўкраклар оғриб турса борми, яхши эмас.

— Кўкрагим оғримайди.

— Жуда хурсандман. Сизга совуқ эмасми?

— Нега энди совуқ бўларкан?

— Кофточкангиз шундай юнқа, бамисоли ҳарирдек. Мунчаям чиройли қўллар. Сизнинг қўлларингизда ҳам мушак борми?

— Қўлларимни тинч қўйинг.

— Жоним... Бир дақиқа... тўхтанг... Нега қочасиз... Биласизми, анови ... Узун енгларингиз остидан...

— Қўлимни қўйворинг! Қайдай журъат этасиз! Оғриди-е! Ярамас!

Ниночка Редкова кекса Мишкиннинг сертомир, ча-йир қўлларидан юлқиниб, халос бўларкан тортиш хизмати ходимлари ишлаб ўтирган умумий хонага чиқди. Қизнинг соchlари ҳар томонга тўзғиган ва чап қўли билакдан юқориси қаттиқ оғрирди.

— Аблаҳ, — дея ҳансираиди Ниночка. — Мен сени шундай қўймайман.

Қиз ёзув машинасининг қопқорини беркитиб кейин ўзи ҳам кийиниб бошқармадан чиқниб, йўлкада тўхтади. Ўйлади: «Кимга борсам экан? Адвокатга бораман».

Адвокат Язичников Ниночкани дарҳол қабул қилди ва уни диққат билан эшилди.

— Қандай ярамас! Бунинг устига чол бўлса! Хўп, энди нима қилмоқчисиз?

Мехрибонлик билан сўради адвокат Язичников.

— Уни Сибирга сургун қилиб бўлмайдими? — дея илтимос қилди Ниночка.

— Сибирга мумкин эмас... Лекин уни жавобгарликка тортса бўлади.

— Хўп, тортинг.

— Гувоҳларингиз борми?

— Ўзим, ўзим гувоҳман, — деди Ниночка:

— Йўқ, сиз жабрланувчи. Агар гувоҳлар бўлмаса, эҳтимол зўрлаш натижасида у ер-бу ерингида из қолгандир?

— Албатта, бор, у мени зўрламоқчи бўлди. Қўлимдан қаттиқ ушлади. Эҳтимол, ўша жойи кўкарғандир.

Адвокат Язичников Ниночканинг думалоқ кўкракларига, чиройли лаби ва кўз ёшлари томчилаб турган анордек юзларига ўйчан қаради.

— Қўлингизни кўрсатингчи, — деди адвокат.

— Мана бу еримда, кофточкаминг остида...

— Кофточкангизни ечишга тўғри келади.

— Ахир сиз доктор эмас. Адвокатсиз-ку, — ҳайрон қолди Ниночка.

— Бунинг ҳеч фарқи йўқ. Доктор билан адвокатнинг вазифаси бир-бирига яқин. Баъзан аралашиб ҳам кетади. Сиз алиби нима эканлигини биласизми?

— Йўқ, билмайман.

— Ҳа, шунақа, билмайсиз. Мен жиноятни очишими учун, ҳаммадан олдин сизнинг алибингизни аниқламоғим лозим. Кофточкангизни ечининг.

Ниночка қип-қизарганича, чуқур хўрсинди ва ўнгай сизланиб қистиргичларни очиб кофточкасини бир елкасидан туширди.

Адвокат унга ёрдамлашди. Ниночканинг дўмбоқ қўли, чуқурчали билаги яланғоч ҳолга келганда адвокат пушти елкасидан қўйироққа қизарган ергача бармоқлари билан босиб-босиб кўрди.

— Кечирасиз, — деди у ютиниб, — мен ўзим ишонишим керак. Қўлларингизни кўтаринг. Бу нима? Қўкракми?

— Тегинманг менга! — дея қичқирди Ниночка. — Қандай ҳаддингиз сиғди?

Аъзою бадани қалт-қалт титраб кофточкасини ҳовлиқиб кия бошлади.

— Нима хафа бўлдингизми? Қасацион нуқтаи на зардан тасдиқлашим...

— Сиз — беззет, шилқимсиз! — дея унинг сўзини бўлди Ниночка ва эшикни қаттиқ ёпиб, жўнади.

Йўл бўйи ўз-ўзича гапириб бораради.

«Нега ҳам адвокатга бордим? Тўғри докторга боришим керак эди. Энг яхшиси докторга бориш. У қабиҳ зўрланиш ҳақида маълумотнома беради».

Доктор Дубято ёши ўтиб қолган савлатли киши эди.

У Ниночкани очиқ чеҳра билан қарши олди, қизни эринмай тинглади, аввал тортиш бошқармаси бошлиғини, сўнг адвокатни болаҳонадор қилиб сўкди.

— Ечининг! — деди қатъий.

Ниночка кофточкасини ечди, доктор Дубято касбига хос қўлларини ғалати ишқалади.

— Нимага қараб турибсиз, бутунлай ечининг...

— Нега энди бутунлай? — қизиқди Ниночка, — у менинг қўлимдан ушлади. Сизга қўлимни кўрсатаман.

Доктор Ниночканинг қоматига, сутдай оқ елкарага қараб олиб, қўллари билан сийгалий бошлади.

— Очифи, сиз ечинишингиз керак... Мен сизнинг барча аъзонингизга ретроспектив нигоҳ ташлашим керак. Рухсат этинг сизга ёрдамлашай.

У Ниночкага эгилиб, хира кўзлари билан қизнинг баданини кўра бошлади, лекин бир дақиқа ўтар-ўтмай Ниночканинг шапалогидан Дубятонинг бурнидан кўзойнаги учиб кетди. Шундай қилиб Дубято нафақат ретроспектив нигоҳ ташлашдан, балки оддий қарашдан ҳам анча вақтгача маҳрум бўлиб қолди.

— Қўйворинг мени!... Э, худойим! Нақадар абраҳисиз эркаклар!

Доктор Дубято ҳузуридан Ниночка қаҳр ва ғазабдан қалт-қалт титраб чиқди.

«Ана сенга инсонларнинг бир-бирига дўстлиги! Зиёли қишилар-а... Йўқ, буларнинг ҳаммасини башарасини очиб ташлаш, ниқобдаги бу авлиёларни шармандасини чиқариш керак».

Ниночка бир неча бор йўлакдан нари-бери бориб келгач, ўзини қўлга олди. Сўнг машҳурлиги билан анча шуҳрат қозонган, ҳар ҳафта икки-уч бор ҳақсизликни фош этувчи мақолалар ёзиб турувчи виждони пок журналист Громовга боришига қарор қилди.

Журналист Громов Ниночкани аввал хушламайроқ

қабул қўлди. Ниночканинг ҳикоясини тинглагач, энг охирги ҳолатларни эшитганда жуда таъсиrlаниб кетди.

— Ҳа-ҳа! — дёя аччиқ қулди. — Ана сизга кишиликнинг дардига дармон бўладиган, оғирини енгил қиладиган энг яхши одамлар! Ана сизга эзилган, хўрлаиган инсонларни ҳаққоният ва адолат нурлари билан мунаvvар қилувчи ҳақпаст инсонлар. Маданият тумани ортидаги бу кимсалар ҳаётда ҳар хил қиёфага кириб юрадилар. Жирканч вужуд билан ҳалига қадар яшаб келаётган йиртқичлар... Ҳа-ҳа. Мен сизларни яхши биламан!

— Кофточкамни ёчишм керакми? — Қўрқа-писа сўради Ниночка.

— Кофточкани? — Нега кофточкани?... Ҳа, дарвоче... кофточкани ечса ҳам бўлади. Қўкарған жойларни кўриш қизиқарли... маданият...

Громов Ниночканинг ёлкаси ва ялангоч қўлларини кўргач, афти буришдӣ ва бош чайқади.

— Ҳар қалай сизнинг қўлийгиз... ахир ҳар қандай аппаратни инсонга қўйиб бўладими? Олинг буни. Йўқ... тўхтанг? Мунча хушбўй ҳид қаердан келяпти? Агар сиз рухсат берсангиз мен шу қўлни ўпсам... мана бу, букилган жойидан... Оҳ... ҳм... кўна қолинг энди. Бундан ҳеч кимга зарар етмайди. Менга эса аллақандай ғалати ҳузурбахш этади, буни...

Громов аллақандай янги, ғалати ҳузурни ҳис эта олмади. Ниночка ўпишни бутунлай рад қилди ва кийиниб ташқарига чиқди.

Кечқурун Ниночка ўз уйидаги йиғлаб ўтиради.

Кейин кимгадир ўз дардини айтиб, юрагини бўшатгиси келди. Кийиниб, яқин қўшиси, мебелли хонада истиқомат қилувчи табиатшунос талаба Ихнелмоновникуга йўл олди.

Талаба Ихнелмонов туну кун китобдан бош кўтармай ўқирди. Одамлар ҳамиша уни рангпар, чироили бетларини китобга қадаб ўтирганини кўришарди. Шунинг учун ҳам Нина ҳазиллашиб бу студентни профессор деб чакиради.

— Ниночкага саломлар! Агар у чой ичишни ҳоҳласа, чой ҳам ветчина ҳам ўша ёрда. Ихнелмонов бўлса навбатдаги бобни ўқиб тутатиши керак.

— Ихнелмонов, бугун мени қаттиқ хафа қилдилар, — деди Ниночка ўтираётуб.

— Ҳўш, ким экан улар?

— Адвокат, доктор, яна бир чол... шундай ярамаски улар.

— Нега сизни хафа қилишди улар?

— Биттаси қўлимдан ушлаб, кўкартирди, қолгандари унга қараб тегишишди.

— Шундай... — китоб варақлади Ихнелмонов, — бу яхши эмас...

— Менинг қўлим оғрийди, қаттиқ оғрийди, — деда Ниночка қўлини аянчли чўзди.

— Муттаҳам ярамаслар. Чой ичинг.

— Эҳтимол, — қайғули жилмайди Ниночка, — сиз ҳам ўшалардек қўлимни кўришни истарсиз.

— Унинг нимасини кўраман? — жилмайди студент, кўкарған бўлса бордир. Сизга шундай ҳам ишонаман.

Ниночка чой ичишга киришди. Ихнелмонов китоб варақлай бошлади.

— Ҳалига қадар қўлим ённати, — деда шикоят қилди Ниночка, — бирор нарса ҳўллаб боссакмикан?

— Билмасам!

— Е қўлимни сизга кўрсатайми? Мен биламан, сиз бошқалардай эмассиз. Сизга ишонаман.

Ихнелмонов елкаларини қисиб қўйди.

— Сизга нимаси оғир... Агар мен медик бўлганимда кўриб қўядим. Ахир мен табиатшуносман.

Ниночка лабини тишлиб ўрнидан турди.

— Ҳар қалай қўриб қўйинг, — деди қатъий.

— Хўп, майли, қўлингизни кўрсатингчи... овора бўлманг... кофточкангизни елкангиздан туширсангиз кифоя... Бўлди... Шуми? Ҳм... Ҳақиқатдан ҳам кўкарған. Бу шум эркаклар. Зарари йўқ яқин орада тузалиб кетади.

Ихнелмонов ҳамдардлик билдириб бош чайқади ва яна китобини қўлга олди.

Ниночка бош эгиб, жим ўтиради. Унинг ялангоч елкаси чироқнинг хира ёруғида жилосиз ялтираб турарди.

— Енгингизни кийиб олсангиз бўларди, — деда маслаҳат берди Ихнелмонов. — Бу ер жуда совуқ.

Ниночканинг юраги сиқилиб кетди.

— У яна оёғимнинг тиззадан юқорисини ҳам чимчилади, — деди Ниночка узоқ жимликдан кейин.

— Тегишимай ўл! — деда бош чайқади студент.

— Кўрсатайми?

Ниночка лабини тишлади ва юбкасини кўтармоқчи эди студент ҳовлиқиб деди:

— Нимага керак? Ахир чулкингизни ечишга тўғри келади, бу ерда эшиклардан совуқ шамол эсиб турибди. Шамоллаб қоласиз; яхши эмас. Худо ҳаққи, мен доно рус халқимиз айтганидек, медицина деганда қулоқбурни кесилгандекман. Чой ичинг!

У ўқишга тушиб кетди. Ниночка яна бир оз ўтиргач, чуқур сўлиш олиб бош чайқади.

— Борай энди. Менинг айтганларим сизни ишдан чалғитади.

— Нега энди ўтирибсиз-да, — деди Ихнелмонов ўрнидан чаққон қўзғалиб, хайрлашиш учун Ниночкага қўл чўзаркан.

Ниночка ўз хонасига кириб кроватига чўзилди ва кўзларини юмиб, яна бир бор:

— Ҳамма эркаклар мунча ярамас-а, — дея такрорлади.

АТРОФДАГИЛАР

Бир киши уйланишга қарор қилди.

Она

— Мен уйланишим керак, — деди у онасиға. Она бир оз ўйлаб туриб оби дийда қилди. Кейин ёшларини артиб деди:

— Пулинг кўпми?

— Билмасам.

— Ҳўп, латта-путтадан ниманг бор? Идиш-товоқ керак бўлади. Яна кумуш, қошиқ, сочиқ ва ликопчалар... ҳаммасини сотиб олиш лозим. Агар савдогарга рўпара бўлсанг, юрак ўйноғи қилади. Меҳмонхонани бутунлай ўзгартириш керак. Обрўлироқ бирор меҳмон қабул қилсанг, шармандаю шармисор бўласан. Пар ёстиқ борми? Пар тўшакчи? Сўрамай қўя қол.

Фақат она:

— Бўлгуси хотининг сени севадими? — деб сўрамади.

Уйнаш

— Мен уйланаман, — деди у севгилисига. Уйнаши оқариб кетди.

— Унда мен-чи?

— Сен мени унутишга ҳаракат қил.

— Заҳар ичаман.

— Агар сен озгина бўлса ҳам мени яхши кўрсанг, бундай қилмайсан.

— Меними? Сеними? Яхши кўраман? Биласанми, азизим. Айтмоқчи, бугун менга Сергей Иванович қўнғироқ қилиб, уч марта гаплашди. Баҳорда у билан Кавказга кетмоқчимиз.

Бир оз ўйлаб туриб, кейин сўради:

— У қиз... бойми?

— Эҳтимол.

Юраги таскин топғандек:

«У мени пул учун қўймоқчи. Ҳар қалай бу унчалик алам қилмайди», деб ўйлади.

Фақат ўйнаши:

— Бўлғуси хотининг сени севадими? — деб сўрамади.

Хизматкор қиз

— Мен уйланаман, — деди хизматкор қизга.
 — Унда мен нима қиласман? Мени қўймоқчимисиз?
Е бошқа жой излайми?
 — Нега энди, сиз қолавердасиз.
 — Фақат барин, сизлар икки киши бўлсаларинг, ишҳаққи ҳам икки ҳисса ошади. Биринчидан; хотинингизни даҳмазаси кўп бўлади. **Майдо-чўйда, кир-чир дёгандай, сувир-сибир.** Хуллас, беш сўмча қўшилади.

Ҳатто хизматкор қизнинг ҳам хаёлига:

— Бўлғуси хотинингиз сизни севадими? — дёган оддий, инсояй савол келмади.

Ўтқинчи

Уйланиш тараддуудида юрган киши қувноқ, ширақайф ўтқинчига рўпара келгач; жилмайиб туриб, деди:
 — Биласизми, — мен уйланмоқчиман.
 — Аҳмоқ бўлибсан.

Уйланиш тараддуудидаги киши эсанкираб қолди.

— Нимага?
 — Худо раҳмат қилсин сени.

Бу ўтқинчи ҳам одамлар сафига шўнгигб кетаркан:
 — Бўлғуси хотининг сени севадими? — деб сўрамади.

ЭРҚАКЛАР

Уртача мебелли хонада яшаган киши, хизматкор аёлнинг келиб кетувчилар ҳақида хабар бериш одати йўқлигини яхши билади... Сизни сўраб келувчи эркак ёки аёл қанчалик хунук бўлмасин очиқ кўнгил хизматкор аёл сиз одамларни қабул қилишга тайёрмисиз, ёки йўқми, сўраб ҳам ўтирумайди.

Бир кечқурун уйда эдим. Уз ҳонамда диванда чўзилганча, ортиқча ҳаракат қилмастан ҳордиқ чиқарадим. Жуда ҳаракатчан, жонсарак киши бўлганим учун ҳам бу ҳолдан сира ҷарчамасдим.

...Бўш даҳлизда оғир қадам товуши ва аёл киши юбкасининг шитирлаши эшитилиб, тўсатдан эшигим қаттиқ урилди.

Беихтиёр:

— Киринг! — дедим.

Бу оддийгина кийинган, мотам шляпасидаги унча ёш бўлмаган аёл эди.

Диваидан сакраб туриб, аёл томони уч қадам босиб, ҳайрон бўлиб сўрадим:

— Сизга нима ёрдамим керак?

У менинг юзимга дикқат билан тикилди.

— Мана у қанақа экан, — деди аёл тўнгиллаб. — Мен уни шундай киши деб сирайм ўйламаган эдим. Чиройли... Ҳалиям чиройли-я... Орадан олти йилдан ортиқ ўтган бўлсаям.

— Мен сизни танимадим, пошша ойим! — дедим ҳайрат билан.

Аёл аянчли жилмайди.

— Мен ҳам сизни танимайман, афандим. Тақдир тақозоси билан учрашиб турибмиз. Сиз билан ҳали узоқ сұхбатлашишга тўғри келади.

— Марҳамат, ўтиринг. Ҳайронман... Кимсиз ўзи?

Азадор аёл ҳозиргина ўтиргани стулдан туриб, уининг суюичигини ушлаганча, қайғули оҳангда тантанавор сўзлай бошлади.

— Мен бундан олти йил бурун, ўз эрига хиёнат қилиб, сизни севған ўша жувоннинг онасиман... у... у...

хўп, бу ҳақда кейин. Мен ўша севгилингизни онаси-
ман!...

Орамиздаги муносабатни аниқлашга шу далилнинг
ўзи етарли деб ўйлаган аёл бир муддат сукут сақлади.
Мен эсам бу далиллардан қаноатланмасдим. Ҳеч бўл-
маса ўз қизининг фамилияси ёки отини айтар деган
умидда унинг оғзини пойлай бошладим. У ҳамон жим.
Орага қайгули, мотам сукунати чўкди.

Аёл чуқур хўрсиниб тилга кирди:
— Э, биласизми, энди мен кимман?.. Мана, нима
демоқчиман. Қулоқ солинг. Менинг қизим... сизнинг
қайта айтиб, жон берди.

Мен оддий бир шўхликнинг қандай кирдикорга ай-
ланисини ўйлаб, дивандан туриб кетдим ва алам би-
лан бошимни ушлаб:

— Улдими?! Бу қандай даҳшат, худойим! — дедим.
— Демак, сиз менинг гўзал қизгинамни ҳали унут-
мабсиз? — дея шивирлади аёл рўмолгласининг бурчига
кўз ёшларини артиб. — Ўйлаб кўринг, бундан беш йил-
ча аввал ажралиб кетгансизлар... Сизнинг хиёнатингиз-
дан бечора қизгинам, қизгинам қанчадан-қанча азият
чекмади, дейсиз. Иқрор минутларида ҳаммасини айтиб
берди.

Аччиқ ҳақиқат, қайгули ва бадкирдор қилмишимдан
жуда оғир ахволда қолдим. Дамим ичимга тушиб кетди.
Ўзимни энг ярамас ва ниҳоятда қабиҳ бир кимса ҳолида
кўрдим. Агар менда жиҳдай мардлик ва инсоф бўлган-
да эди, бу оддий, кўнгилчан кампир олдида барча-бар-
часига иқрор бўлардим.

«Жонгинам!.. Эрлик хоним билан ёш йигит ўртасида-
ги ошиқ-мошиқлик муносабатлари — ҳаётнинг унутил-
мас, бахтили онлари, энг ширин дамлар наҳотки, то
тобутгача шундай сир сақланса?.. — Мен бўлсан... ҳеч
аниқ эслаёлмаяпман, қайси бир эрли хоним ҳақида гап
кетаяпти... Ася Званцевами? Ёки Ирина Николаевнами?
Наҳотки Вера Михайловна Березаева бўлса?»

Мужмал бир кайфиятда диванга қайта чўкиб, келув-
чи аёлга синовчан назар ташладим ва бошимни солин-
тирганча оҳиста сўрадим:

— Қизингиз ҳақида бирор нарса айтиб берингчи...
— Нима ҳам дердим?.. Ўзингизга маълум, уларнинг
феъл-авторлари тўғри келмади. Чиқишолмадилар. Эри
уний тушунмас... тўғриси, унинг кўнгил талабларига
жавоб бера олмас эди... Шунда унинг ҳаётида ёш, чи-

ройли келишган йигит — сиз пайдо бўлдингиз. Раҳмат-
ли қизим бир умр шундай ширин сўзларни, эркалаш-
ларни орзу қилиб яшарди. Биринчи учрашува айтган
жон ўртар сўзларингиз эсингиздадир?

— Эслайман, — дедим ишончсиз бош силкиб, —
нега эсламай! Қани, такрорлангчи. Сизга аниқ айтди-
ми? Нималар деди?

— Ўша оқшом уйда эри бўлмаган экан. Тўсатдан,
деди у, жуда келишган, ҳаяжонли, чақмоқдай йигит—
сиз кириб келибсиз. Унинг намли кўзларини кўриб,
сизни ким хафа қилди, деб сўрабсиз ва бунинг сабаби-
ни узоқ суриштирибсиз. У айтмабди... Шунда сиз уни
юпатта-юпата белидан оҳиста қучиб ўзингизга тортиб,
секин шивирлабсиз: «Гўзалим! Сен менинг бахтимсан,
ҳаётимсан! Кўриб турибман, бу уйда сени ҳеч ким ту-
шунмайди, ҳеч ким сенинг ажойиб дилкаш юрагингни
қадрига етмайди. Сен бу ерда ёлғизсан. Сени, сенгинан-
ни баҳолай оладиган дунёда бир киши бор. У бугун
ҳаётини, бутун ион-иҳтиёрини сенинг ҳукмингга ҳавола
қиласди».

— Тўғри, бу менинг усулим, — дея ўйчан жилмай-
дим. — Ҳозир бу усулни бутунлай ташлаб юборган-
ман...

— Нима?! — деди кампир.

— Айтдимку тўғри, деб. Бу мен унга айтган сўзлар-
нинг айнан ўзи.

— Ана шундай. Қейин сиз... уни ўпа бошлабсиз...

— Эҳтимол, — иқрор бўлдим. — Бундан бошқача
бўлиши мумкин эмас. Давомини айтингчи, яна у нима-
лар деди?

— Бир неча кундан қейин у билан шаҳар боғини
айланибсизлар. Унга, бир минутга уйингизга кириб,
бир пиёла чой ичишини таклиф этибсиз... Қизим, эрлик
хотиннинг бўйдоқ, ёш йигитнинг уйида меҳмон бўлиши
ҳеч қандай ахлоқقا тўғри келмайди, дея кўнмабди.
Бу эрига хиёнат қилишдай гап, дебди. Сиз ундан хафа
бўлиб, бутун боғни сўзсиз айланиб чиқибсизлар. У,
«хафа бўлдингизми?», деб сўрабди. Сиз «Ҳа, — дея,
— агар буни ҳақорат деб тушунсангиз, зорим бору,
зўрим йўқ», дебсиз хомуш. Шунда у: «Агар ўзингизни
яхши тутишга сўз берсангиз, киришим мумкин» дебди.
Сиз елкангизни қисиб: «Сиз мени хафа қиляпсиз» деб-
сиз. Орадан ярим соат ўтга, у сизникоша бўлади, бир
соатдан қейин эса батамом сизники бўлади.

Кампир яна стулдан кўтарилиб, тантанали оҳангда:
— Буларни эсласангиз керак! — деб сўради.
— Эсладим, — дедим. — Хўш айтингчи, мендан ажралиш олдидан нима дебди?
— У «Эҳтимол, сиз мени бундан кейин ҳурмат қилмассиз?» дебди. Сиз уни кўксингизга босиб, «Йўқ! Ҳали ҳаётимда ҳеч кимни сенчалик яхши кўрмаганман», — дебсиз. Ана энди у йўқ... менинг қалдирғочим ўлди!..

Кампир йиғлади.

— Уф! — дея фарёд чекиб юбордим. — Агар уни Сизга қайтариш имкони бўлганда эди, шу мақсад йўлида бутун ҳаётимни бағишлаган бўлардим!

— Йўқ... уни ҳеч ким у ёқдан қайтара олмайди, — деди кампир тақдирга тан бергандай.

— Яна мен ҳақимда у бирор нима дедими?

— У айтудики, авваллари сизлар ҳар куни учрашиб турарканлизлар, кейин кун оша, сўнгра тўсатдан сизнинг зарур ишингиз чиқиб қолиб, ҳатто ҳафтада бир марта ҳам учраша олмабсизлар. Бир куни туйкус сизникига келиб қолса, у ерда бошқа хотин бор экан.

Мен уятдан бошимни қуи солинтириб, диванинг лўласини асабий силай бошладим.

— Буни эслайсизми? — сўради аёл.

— Эслайман.

— У йиғлаганда, сиз, юракка буюриб бўлмас экан, яхшиси яқин дўст бўлиб қолайлик, дебсиз.

— Наҳотки, шундай таклиф қилган бўлсан? — дея ишончсиз сўрадим.

Умуман бу менга ўхшарди. Дунёда бирорта хотин, севгини дўстликка алмашаслиги, бундай сулҳга сира кўнмаслигини яхши билардим. Эҳтимол, мен унда — «Биз бир-бирамиздан совиб кетдик, орамизга совуқчилик тушди», — дегандирман. Ҳар бир хотинда ҳам ўзига хос шаън ва иззат-нафс деган гаплар бор. Бу ҳолатда у: «Ким деб ўйлайсан мени бир умр сенга исиганим ўй!» — дейди-ю, «Хўп, хайр!!!» деб чиқиб кетади.

Эҳтимол, кампир бир нималарни аралаштириб юборгандир.

— Марҳума ўлими олдидан менга бирор нима қолдирмадими?

Учинчи бор кампир стулдан тантанавор туриб, учинчи марта тантанавор деди:

— Қолдирди! У ўзининг мурғак қизини мурғасини қолдирди.

— Менгами?! — Бақириб юбордим, — Нега энди?
— Ўзингизга маълум, бундан уч йил олдин унинг эри ўлган, мен бўлсан қариб қолдим, бунинг устига тез-тез касал бўлиб тураман...

— Нега энди атайи менга қолдиради?

Кампир аламли жилмайди.

— Ҳозир мен сизга бир нимани айтиб бераман. Бу сир ҳали ҳеч кимга маълум эмас. Уни раҳматли то ўлганича ҳеч кимга билдириш келган. Боланинг ҳақиқий отаси — Сиз!

— Вой, худойим! Наҳотки? Сиз бунга ишонасизми?

— Ўлим олдидан алдашмайди, — деди кампир қатъий. — Сиз унинг отасисиз, энди қизингизга ғамхўрликни зимманинг олишининг керак.

Оқардимми, қизардимми ўзим билмайман, лабларимни қаттиқ қимтиб, бошимни кўксимга солинтирганча узоқ ўтиридим. Аллақандай мавҳум ҳаёллар оғушида эдим.

— Эҳтимол у адашгандир? — дедим тўнғиллаб. — Бола, мендан эмас, эридан бўлгандир?

— Ҳурматли жаноб! — деди кампир улуғвор оҳангда. — Бундай ҳолларда аёллар сира ҳадашмайдилар. Бу уларгагина хос инстинкт.

Қовоғимни уйганча ўйга толдим.

Бир томондан мен ўзимни одоб, ахлоқли, рисоладаги одам ҳисоблар, шунинг учун ўз-ўзимни ҳурмат қилас ва виждоним буюрган ишни амалга оширадим. Бу бола мен учун жуда қадрли, севган аёлимдан қолган тирноқ. Иккинчи томондан тўсатдан пайдо бўлган бу даҳмаза ҳаётимни бутунлай издан чиқариб, антиқа мурракабликларга, келажакда чигал мажбуриятларга сабаб бўлиши мумкин. Мен отаман! Менинг қизим бор!..

— Унинг оти нима? — сўрадим мулоим.

— Вера, онасининг отини қўйғанмиз.

— Яхши! — дедим қатъий. — Мен розиман. Уни ўз қарамоғимга оламан. Фақат қизалоқни фамилияси Двуутробникова бўлсин.

— Нега Двуутробникова? — ҳайрон бўлиб тикилди кампир.

— Менинг фамилиямда. Ахир мен Двуутробниковман-ку!

— Сиз... Двуутробниковмисиз?!

— Бўлмасамчи.

— Вой, мен ўрай! — деди ғалати меҳмон даҳшатли қичқириб. — Демак сиз у эмассиз?!

— Ким у эмас?

— Демак сиз Қласевич эмасми? Қизалоқ Қласевич-ни фамилиясида. Мана шу манзилда туради. Юрагимга тўсатдан кучли бир тўлқин ёпирилгандек бўлди.

— Қласевич, — қаҳ-қаҳ уриб кулиб юбордим. — Табриклиман Сизни! Бир эшик адашибисиз. Қласевич нариги хонада, ўн биринчи номерда яшайди. Менинг хонам ўнинчи рақамли. Юринг, мен сизни кузатаман.

Шўх, қувноқ бир алфозда кампирни қўлидан ушлаб ўзимга эргаштирдим.

— Қаранг-а! — дердим завқ билан, — менинг фамилиям Двуутробников. — Ўнинчи рақам. Қласевич бўлса анови томонда. Уники — ўн биринчи рақамли. У бу хонада анчадан бери яшайди, мен билан ён-хона. Жуда келишган одам. Маён. Бўлмасамчи! Қласевич... Жуда келишган одам. Ҳозир сиз у билан танишасиз. Демак, сиз ўн биринчи ўрнига ўнинчига тушибисиз?! Ҳа-ҳа... Кичкина англашил-хоним сизни зарур бир иш билан йўқлаб келибдилар... Боринг, хоним пошша... Ҳа-ҳа-ҳа... Мен бўлсан, эши-ти...иб ўтираверибман-а...

АЛЛО

...Юзма-юз туриб қилинган шахсий сұхбат, бамисоли мактуб, уни үнлаб саҳифада давом эттириш мумкин; телефондаги сұхбат эса—телеграмма, ҳар бир сўзини тежаб, ҳатто тиниши белгиларини ҳам қўймасдан жўнатилади.

(Ушбу ҳикоядан олинган)

Маргимуш айрим касалликлар учун жуда фойдали дори; агар одамни бир қошиқ маргимушни ютишга мажбур қилинса, иккаласи ҳам шубҳасиз ўлади. Одам ҳам, маргимуш ҳам.

Арқон эса унга осилмаган вақтда жуда фойдали нарса; бироқ арқон билан одамнинг белига тушурсангиз, ўша заҳоти арқон ўзининг фойдали хислатини йўқотади.

Табиат ажойиб чарақлаб турган қўй кўзли чақалоқни яратар экан, қанчадан-қанча куч сарфламади, дейсиз. Чাқалоқдан ҳам гўзал, мўъжизали яна нима бор. Қайси биримиз чақалоқни эркаламаган, ёки чақалоқ билан завқланмаганмиз. Агар бирор кимса тўртинчи қават деразасидан боласини йўловчиларга қаратади отмоқчи бўлса, йўловчилар нафрат билан қарайдилар ва у кимсадан жирканадилар.

Бу масалада мен нинадан фойдали нарсани билмайман. Нинани ютиб кўрингчи.

Бу билан мен қилич билан соқол қиртишлаб, зонтикнинг дастаси билан кўзга тушган хасни олиб бўлмаганидек, ёки бўлар-бўлмасга телефонда мақсадсиз яrim соатдан кўпроқ валақлаган бирорлар ҳақида гапирмоқчи эдим...

Зотан улар бу эзмаликдан ҳеч қандай қусур кўришмайди.

* * *

Гоҳида менга бир ойимқиз телефон қиласди. Мен атай унинг отини айтмайман, чунки ҳар бир одамнинг ўз ойимқизи бор, унга албатта қўнғироқ қиласди.

Бундай қизлар феъл-авторини тасвирлаш қийин. У кучли эҳтирослардан изтироб чекмаган, ёки даҳшатли нарсалар билан заҳарланмаган: бу қиз унчалик нодон эмас, ҳар қалай у-бу нарсани ўқиган. Агар шундай

қизлардан юз нафарини хушторларига аралаштириб, театрға қамасанғиз, улар ажойиб театр томошаси күрсатадиган ғалати тұдага айланадилар.

Құчада улар күча оломонига айланадилар. Мабодо бир вабоми, екіншінде үлат рүй беріб қолса, жамоатчилик фикриға асосан «Она ватанимизнинг бахтсизлик оқибатида күрган заарарининг» қонуний аксар фоизини ташкил этадилар.

Хеч ким ҳең қачон улардан «Евгений Онегин»ни ёзишмайды, екін Исаакиевский соборини бунёд этишмайды. Бирок уларни бу ҳаётдан йүқотиши мүмкін эмас, чунки уларсиз ҳаёт қашшоқлашиб қолади. Тарих китобида улар үз хушторлари билан алоҳида ўринни эгаллашади. Улар шунақа оппоқ қоғозки, тарих саҳифаларидан алоҳида қора ҳарфларда бўртиб туришади.

Агар улар үз хушторлари билан бўлмаганда театрлар бўшаб қолар, модапараст китоблар ношири касодга учрар, марказий станциядаги телефонисткалар ишсизликдан семириб кетишарди.

Ойимқизлар телефончи аёлларга уйқу беришмайди. Бир неча ўн минг кишидан иборат бўлган бу ойимқизлар уларни ҳар соатда ўзларйни бошқа аллақандай рақамга улашларини талаб этишади.

Ағсуски, бу ойимқизларга ҳеч ким юзма-юз туриб қилинган суҳбат, бамисөли мактуб, уни ўнлаб саҳифада давом эттириш мүмкін, телефондаги суҳбат эса — телеграмма, ҳар бир сўзни тежаб, ҳатто тиниш белгилирини ҳам қўймасдан суҳбатлашиш кераклигини тушунитира олмайди.

Ўқувчилардан бирортаси шу ҳақда ойимқизга тушунтирмоқчи бўлса, у ўша заҳоти менга қўнғироқ қилиб, ростдан ҳам мен шу ҳақда ёздимми, умуман қандай яшаяпман? Утган ҳафта мени аллақандай аёл билан кўрганлари, ростми, деб сўрашади.

* * *

- Сизни телефонда сўрашяпти!
- Ким сўраяпти?
- Айтишмади.
- Минг марта айтганман, кимлигини албатта сўра деб.
- Сўрадим. Айтишмайди. Нуқул кулишади. Сени ҳеч нимага ақлиниг етмайди, дейишади.
- Эҳ, худойим. Алло! Ким телефонда?
- Ойимқиз экан. Жавоб беради:

— Вой, мунча дағал овоз. Бугун кайфиятингиз жоийда эмасми дейман?

— Йўқ, ёмон эмас. Телефон хирилляпти, — дейман юзаки мулозамат билан. — Қанақа бизбоп яхши янгилниклар?

— Нима? Қанақа яхши қиз? Қачондан бери хушомад қиласидиган бўлдингиз?

— Бу хушомад эмас.

— Хинг, биламиз. Ҳамма эркаклар ҳам хушомад қилиб, кейин ҳеч қандай хушомад қилмадим, дейишади.

Минг ағсус, ағсус, у менинг юзимни кўрмаяпти.

— Нима дедингиз?

Унга нима ҳам дейман. Даастурхонимда сочилиб ётган сүяклардан бирини ташлайман:

— Уйдан гапирияпсизми?

— Қизиқсиз-а! Бўлмаса қаердан гапирадим?

Ойимқизга нима ҳам дердим.

— Киндякинларникидан деб ўйлабман.

— Киндякинларникидан? Ҳм! Ҳали сиз Киндякинларни ҳам ўйлайсизми? Эҳтимол, Сизга Киндякина хоним ёқар? Сиз ҳақингизда эшитган эдим-а... Ҳа...Ҳа...

— Уша шунақа гап-сўзларни ташиб юрибди.

Кейин у кимларгадир ўз хушторлари ҳақита гапиради.

— Кеча мен уни шундайм тузладимки.

Телефон гўшагини қулоғимга тутганча тарновни учига қўнгган чумчуқни лоқайд кузатаман ва раҳматли отамнинг «Нега мени чумчуқ қилиб яратмадинг, худойим» деган сўзларини эслайман.

Кулоғим тагида овоз янграйди:

— Нима гап ўзи, ухладингизми?

— Ухлаганим йўқ.

Гапириш керак бўлган пайтда сўз топа олмаслик қандай даҳшат?

Яна шу ҳақда қанча ўйласанг, шунчалик эсинг пасайди...

— Алло! Нега жимсиз? Сиз билан телефонда гаплашиш ниҳоятда оғир-а? Айтингчи, нима қиляпсиз, ўзи?

Бироз сукут сақлаб, шундай қочириқли гапни ўйлаб топдимки, эшитган ҳар қандай киши трубкани осиб, орқасига қарамай қочган бўларди.

— Нима қиляпман? Қоғоздан пул ясаяпман.

— Алло? Сизни эшитмаяпман!

— Қоғоздан пул ясаяпман дедим-ку!!!

- Канақа қоғоз пул?
 — Мен. Ясаяпман.
 — Нималар деяпсиз, ўзи.
 — Сиз сўрадингиз, мен жавоб бердим.
 Бу киноядан у батамом эсанкираб қолди.
 — Оҳ, ҳамиша шундайсиз, мунча ҳозиржавоб бўл-
 масангиз! Тавба, бу гапларни билмадим; қаердан то-
 пасиз? Тўгриси, айтингчи, нима янгиликлар?
 Пастки лабимни тишлайман; яна бир марта вужу-
 димда ўйртанг қон кўпиргандек бўлди.
 — Вампирлар¹ нега бундай қилишаркан.
 — Нима-а?
 — Одам қонидан вампирлар қандай маза топишар-
 кан, шунга тушунмаяпман.
 Ойимқиз сухбатнинг бошқача тус олаётганига эъти-
 бор ҳам бермай:
 — Сиз вампирлар борлигига ишонасизми? — деб
 сўради.
 Албатта ишонаман десам, гёё менга бу сухбат
 бутунлай аҳамиятсиздек туюлади, шунинг учун:
 — Ишонаман, — ледим мужмал.
 — Қаранг-а, уялмайсизми? Шундай маданиятли
 киши аллақандай вампирларга ишониб юрса? Айтингчи,
 бу фикрингизни исботлаш учун сизда қандай асос бор?
 Алло!
 — Нима?
 — Сизда қандай асос бор, деб сўрайпман.
 — Кимга? — маънисиз сўрайман, ўзим эса телефон-
 нинг ён томонида қоқилган плакатдан «Нароновичда
 тайёр қўйлаклар бошқалардан кўра арzon эмас дея
 исботлаган кишига юз сўм берилади» деган сўзларни
 ўқидим.
 — Аввало, «Кимга» эмас, нимага дейилади.
 — Нима «нимага»?
 — Асос.
 — Ҳаёт кутиб турмайди, — дея эътироz билдиридим
 асосли килиб.
 — Йўқ менга айтингчи, нега сиз аллақандай вампир-
 ларга ишонасиз? Бу қандай мутаассиблик.
 — Бу интуиция.
 Бу сўзининг маъносини тушунмаса керак, у «а-а-а»
 деди ва чўчиган қушчадек иккинчи бутоқقا қўнди.
 — Умуман нимани эшитяпсиз?

- Нароновичда тайёр қўйлаклар бошқалардан
 арzon эмас, деб исботлаганга юз сўм берилади.
 — Қанақа Наронович?
 — Тикувчи. Хотин-қизлар кийимини тикиди.
 — Бўлмағур гапларни айтманг. Қиз бола билан
 гаплашаётганингизни унутманг. Умуман кейинги пайт-
 ларда бутунлай ўзгариб кетдингиз.
 Мана биз бир-биримиздан икки ёки уч чақирим на-
 рида қулоғимизга ичи бўш каучук дастакни тутиб ту-
 рибмиз. Мендан унга қараб ингичка алоқа сими тор-
 тилган.
 Нега бу сим тез-тез узилиб туради.
 Яхшиямки симнинг энг нозик ерига каттакон қуш
 қўниб, бирданига... Тўғрисиям бундай ҳол юз бериши
 мумкинми? Мабодо дастакни секингина дераза пешой-
 насиға қўйиб кетилса-чи. Кейин ҳаммасини шу «Лаъча-
 ти телефонга тўнкаса ҳам бўлати. («Ҳамиша шундай,
 тармоқда узилиш! Одамдек гапиришга ҳам қўйишмай-
 дин!»)
 Менинг сўзларимда сухбатни бўлиш керак. Ойимқиз
 мени сўзимни тугаллай олмаганим учун азоб чекаяпти,
 деб ўйласин.
 — Алло! Мени эшитяпсизми? — деб қичқирамай.
 Мен сиёга ҳозир қизиқ бир воқеани айтиб бераман.
 Фақат, иккаламизнинг орамизда қолсин. Хўпми? Сўз
 берасизми?
 — Бўлмасамчи, сўз берганим бўлсин. Эшитмасам
 ёрилиб ўламан! Қани?
 — Биласизми, кеча Бакалеевлар квартирасига қа-
 дам қўйишм билан у ертсан, ранги мурдадек оқарған,
 терлаб қетган Шмагин чиқиб келса бўладими. Мен...
 Шундай деб телефон дастагини дераза ромига қўйдим;
 агар жойига осиб қўйсам, ойимқиз қайта қўнгироқ қи-
 лиши мумкин. Гўшакни қўйдиму енгил нафас олиб оёқ
 учида юриб нари кетдим (қадам товушлари эшитилма-
 сини).
 Ойимқизнинг нарғи томонда жинниси чиқиб, қуту-
 раётганини тасаввур қилиб турибман:
 — Алло! Мен сизни эшитмаяпман! Вой, худойим-эй.
 Менга қаранг, яхши қиз! Бу марказми? Нега бизларни
 узиб қўйдингиз?! 54-27 номерини теринг!
 Телефонистка, эҳтимол, қўпол овозда жавоб берар:
 — Трубка олиб қўйилган ёки тармоқда узилиш рўй
 берган.
 Бечора телефонистка.

¹ Вампир—афсона, гўрдан чиқиб одамларнинг қонини сўрувчи
 мурда.

Бирда оймқиз менга эрта тонгда құнғироқ қилді. Хаво совуқ бұлғанлиги учун күрпага ўралиб олғанман, шу тонгда мени ҳеч қандай күч қаравотдан узіб ололмас әди.

Фақат құнғироқ бұлғанда, уч минутча унинг жириңглашини әшитіб ётдім, охир оқибат совуқда дилдираң үрнімдан туриб төлефонга отилдім. Пол совуқ бұлғанлиги учун дам у оёқда, дам бу оёқда. ҳаккалаб, гүшакни күттардім.

— Алло! Қим?

— Салом! Ҳалиям ухлаяпсизми? Одатда вақтли уйғонардингиз-кү. Мен аллақачон уйғонғанман. Хүш, нима янгиликлар?

Иккінчи оёғимга сакрарканман, совуққина гап құшиб турдім. Үн минутлик сұхбатдан кейин қуйнады іюпатувчи сүзларни әшитдім:

— Мен яхшигина жойлашиб олғанман: ловуллаб турған каминга яқын катда ётибман, иссиққина. Чиройли бір қызы тирноқларимни бұяб турибди. Қайноқ кофе хұплаб, журналларни варақлаб, телефонда гаплашып-мая, телефон ҳам ёнгинамда столда турибди. Айтмоқчи, биласызмі сизге нима учун құнғироқ қиляпман... Алло! Нега жавоб бермайсиз? Марказ! Марказ! Бұ нима дегән гап? Яна тармоқда узилиш рүй бердіми? Вой, худойим-эй!..

* * *

Мана ҳикояни ҳам ёзіб тутатдым. Үн минглаб оймқизлар әхтимол уни үқишаң. Агар, атиғи, үн нафар оймқиз ёзилғанлар ҳақида үйлаб күриб, нима демоқчилигін тушунишса, бу ҳаётда яшаң бир мұнча енгиллашарди.

* * *

Ілтімос, бошқа газеталар күчириб босишин.

ҚУМДАГИ ИМОРАТ

I

Бурчакда биқиниб ўтирганча уларнинг антиқа қилиқларини ўйчан күзатардым.

Шунга амин әдимки, нозик тананинг юқори қисми бошқага әмас, хотини Линочкага тааллуқли эканлигидан эр Митя аниқ тасаввурға әга бұлса-да, бу хил са-воллар байрамона мамнуният туфайли бериларды.

— Мана бу митти құлча кимники?

Әнг асосийси хотиннинг жавобида әди.

— Меники жоним. Бу құл менга қарашли. Наҳотки ўзинг күрмаяпсан?

Бу ёлғонни рад қилиш ўрнига эр Митя хотинини қучиб ўпа бошлади. Нега у бундай қиляпти худо билади. Кейин эр хотинини қучогидан оқиста бүшатиб, унинг тұла, бесүңақай қорнига қараб туриб мендан сүради:

— Нима деб ўйлайсан, әртага нима бұларкин?

— Окрошка, иккінчисига дўлма, кейин крем.

Еки:

— Эртага қайси күн? Жумами? — дейди эр анқовланиб.

Мен бұлсам бу хил тұсатдан берилған бемаъни са-волларни унчалик ёқтырмайман.

— Э, йўқ, — дея кулиб юборди у. — Бизда нима туғилади?

— Нима? — Менинг ўйлашимча; сизларда албатта яқында бола туғилади.

— Буни биламан. Қим? Үғилми, қызми?

Үнга амалий маслаҳат бергім келди: агар у бұлғуси болланинг жинсини билмоқчи бұлса, ошхона пичоги билан хотинининг қорнини ёриб күрсін, ҳаммаси аниқ бўлади. Лекин бу хил маслаҳатдан у даҳшатга тушиши мумкин, шунинг учун бепарво:

— Үғил, — дедим.

— Ҳа-ҳа! Үзимам шундай деб ўйлайман. Мана бундай катталиктаги, дўмбоқ, қип-қызил үғил бола... айрим күринишларга қараганда бола жуда йирик туғилса ке-рак... шундай әмасми? Айтчи, биз ундан кимни тайёрлаймиз.

Эр Митя ўзининг бемаъни саволлари билан жонимга тегиб кетди, шунинг учун:

Сабзи қайласи билан котлет! — демоқчи эдим, лекин:

— Муҳандис. — дедим баланд овозда.

— Тўғри. Муҳандис ёки шифокор. Линочка! Сен Александрга анови йўргакчаларни ҳали кўрсатмадингми? Орқаликничи? Бу қандай гап? Кўрсат.

Мен Линочканинг уятчанлигига ҳеч қандай нуқсон кўрмасдан, секин эътиroz билдиридим:

— Нега энди, ҳозир кўриш шартми? Қейин, бирор кун кўрарман.

— Нега энди ҳозир эмас. Ишончим комилки, бу сенга жуда ёқади.

Олдимга бир нечта чит матолар—йўргак ва тўртбурчак орқаликлар ташланди.

Мен бармоғим билан битта йўргакчани ушлаб кўриб:

— Яхши йўргакча экан, — дедим тортинчоқлик билан.

— Бу пойпеч! Мана, ана бу нарса сенгá ёқади.

«Ана бу нарса» шубҳасиз, менга ёқди. Мен қувноқ кайфиятда бош чайқаб қўйдим.

— Иштончаларми?

— Дўппичалар. Олти мавсумга мўлжаллаб олинган. Ҳаммасига етади. Бешикчани кўрмадингизми, ҳали?

— Кўрдим. Уч марта кўрдим.

— Юринг! Мен сизга яна бир марта кўрсатаман. Сизга жуда ёқади.

Бешикни диққат билан кузатиш бошланди.

Эр Митянинг кўзлари ёшланди.

— Ман бу ерда у ётади. Иирик, дўмбоқ ўғил бола. «Дадажон, — дейди у менга, дадажон, менга карамель бер», дейди. Ҳмм... эртага карамель жамлаш керак.

— Бир пуд етар; — дея маслаҳат бердим.

— Бир пуд кўплик қиларов, — деди эр Митя ўйчан биз билан меҳмонхонага қайтаркан.

Утирдик. Одатдаги савол берилди:

— Мени ким ўпади?

Хотин Линочка бу мажбурият унга юкланганини яхши билади.

— Бу кимнинг лабчалари-я?

Бурҷакдан мотамсаро овозда:

— Шуни ишонтириб айтаманки, лабчалар ёки юздаги бошқа аъзолар, ҳаммаси хотинингга қарашли. Ҳаммаси хотинингники, — дедим энсам қотиб.

— Нима?

— Ҳеч нима. Агар шубҳалансанг, хотинингни танасидаги барча аъзоларини ёзиб чиқ баъзи-баъзида уларни шу рўйхат асосида текшириб тур.

— Дўстим.. мен сени тушуммай қолдим... Линочка; у бугун негадир асабийлашашапти. Шундай эмасми? Сенинг кўзчаларинг қаерда?

— Эй! — дедим бақириб. — Агар сен унинг бурнини ушлаб кўрсанг, сал юқорироқда буруннинг ўнг ёки чап томонидан унинг кўзчаларини топасан! Вақтни ўтказмасдан бошқа жойини изламай қўяқол.

Сакраб туриб, хайрлашмасдан чиқиб кетдим. Орқамдан шундай қизиқ бир саволни эшитдим.

— Мен ўпишни истаган бу қулоқчалар кимнику ўзи?..

II

Яқинда ғалати бир хат олдим:

«Қимматли Алек бугун у, эҳтимол енгилланар! Тушундингми? Тез кел, бўш бешикни яна бир марта кўрамиз. У ўзини жуда яхши ҳис этаяпти, ҳар эҳтимолга қарши карамель олиб қўйдим... Сенинг баҳтиёр Митянг... Яқинда ота бўламан!.. Ҳа-ҳа-ҳа!!!»

«Шўрлик баҳтдан ақлдан озганга ўхшайди» — шундай деганча зинапоядан югуриб тушганча унинг квартирасига йўл олдим.

Эшикни эр Митянинг ўзи очди.

— Салом, жўражон! Нега мунча бепарвосан? Табрикласа бўладими?

— Табрикла, — деди у қўруққина.

— Хотининг яхши қутулдими? Соғлиғи қалай?

— Етоқхонада ётган анови шўрлик қирчангини сўрапяспсан, шекилли? У кишим ҳали ўзига келмаганиш... Ҳа-ҳа-ҳа!

Унинг ёқасидан тутиб силкидим.

— Менга қара... ақлинг жойидами? Ёки баҳтиёрликдан ақлингни еб қўйганмисан?

Эр Митя истеҳзоли қаҳқаҳа урди.

— Ҳа-ҳа, табриклишинг мумкин... юр, кўрсатаман.

— У албатта бешикда ётгандир?

— Бешикка йўл бўлсин! Анави саватда чойшаб остида ётибдилар.

Ҳеч нимани фарқига бормасдан унга эргашдим. Каттакон саватга яқинлашиб, чойшабни кўтариб диққат билан унга қарадим.

— Менга қара! — дея қичқирдим орқа чекиниб, — ахир у ерда иккита, шекилли!

— Иккита! Иккита шекиллимиш? Ҳа-ҳа! Учта! Жин урсин мени, учта!!! Иккитаси юзада, учинчиси тагида қолиб кетганга ўхшайди. Мен анави доя қиз ва ўғри алвости энага уларни йўргакламасдан туриб саватга ташладим.

У мушти билан кўзини уқалади.

Менинг бошим қотиб қолди.

— Жин урсин... Ҳақиқатдан ҳам! Бу қандай рўй берди ўзи?

— Мен қаердан билай? Шуни истабманми? Мен аҳмоқ, йирик, дўмбоқ ўғил туғилади, деб қувониб юрувдим-а.

У бош чайқарди.

— Мана сенга муҳандис.

Уни юпатишга ҳаракат қилдим.

— Майли, хафа бўлма, жўражон. Ҳали ҳеч нима йўқотилмаган.

— Қанақасига?! Хонавайрон бўлдим-ку...

— Нега?

— Биласанми? Энага ошхонада ўтириб, менинг барча кўйлакларимни йиртиб чақалоқларга кўҳлик тайёрлаб ўтирибди. Чўнтағимдаги бор пулимни шилиб олиши. Иккита бешик сотиб олиш ва яна иккита эмизувчи ёллашга... шундай қилиб, менинг келажак ҳаётим барбод бўлди. Хонавайрон бўлдим. Бу уччала ярамасни едириб, ичириб, қийинтиришнинг ўзи бўладими? Ҳали уларни ўқитиш ҳам керак... Агар улар турли хил ёшда ҳам бўлса унда китоблар ва кийимларидан укалари фойдаланса бўларди... Энди эса уларнинг ҳар бирига алоҳида китоб ва кийим олиш, гимназияга пул тўлаш керак... улар катта бўлишгач папирос ўғирламайди, деб ким кафолат бера олади... Тамом... ҳаммаси тамом бўлди. Бу ярамас ва шўрлик хоним кўзини очиб, болани кўрсатишни сўрар. Шунда унга ҳаммасини бир йўла кўрсатишни бураман. У даҳшатдан оёқларини чўзиб қолмасайди, деб ўйлайман. Нима дединг.

— Жўражоним! Нималар деяпсан? Яқиндагина хотинингдан «Бу кимнинг қўлчаси? Қимнинг қулоқчаси?» деб сўраганларинг эсингдан чиқдими?

— Ҳа... қани энди ўша қўлчалар ва лабчалар қўлимга тушса эди! Балога йўлиқтур! Ҳаммаси тамом... барбод бўлди... йўргакчалар, бешикчалар, муҳандис...

— Эй, нодон банда, хотинингда нима айб? Бу табиатнинг қонуни-ку.

— Қонун? Бу қонунсизлик! Эй, энага! Бу ахлатга бешикларни келтир! Саватни қоқиб ташла! Дарвоҷе сиёҳ билан уларнинг белига белги қўйишини унутма, эмизганда адашиб кётмасин... О, парвардигор!

Эшикдан чиқаверишда нимқоронгулика каттакон тунука қутига урилиб кетдим. Қутини кўтариб ўқидим:

«И. Кунишкин фабрикаси, болалар карамели. Таърифтафсили билан».

АҲМОҚҚА ЛАТИФА

Бу жаноб семизликка мойил қиёфасида ўзига ишонч ва хотиржамлик акс этиб турган, овози мулойим ва айни чорда сервиқор бир киши эди.

— Мана Сиз ёзувчисиз, — деди у мен билан танишгач. — Ҳажвчи ёзувчисиз. Демак, Сиз жуда кўп қизиқ воқеаларни биласиз. Шундайми?...

— Ҳар қалай, — дедим камсуқумлик билан.

— Қамтарликни қўятуринг. Қизиқ, кулгилироқ бирор нарса айтиб беринг... ўлгудек яхши кўраман.

— Узр, «кулгили нарса» деганда нимани тушунасиз?

— Шу... кулгилироқ, ичак узди бир нарса-да. ...Сўзимни ерда қолдирмассиз, ҳар қалай. Худо берган мутахассисиз. Ҳўп денг энди, камтарлик қилманг.

— Биласизми... мен сизга ҳикоялар тўпламимни тавсия этган бўлардим. Лекин ундан «кулгили нарса»ни албатта топа оласиз, дея ишонтира олмайман.

— Э, йўқ; қўйсангизчи. Сиз менга оғзаки айтиб беринг. Мен эшитишини хоҳлайман... Қисқароқ бир нарса бўлсаем майли. Биқинни ушлаб куладиган бир нарса чиқиб қолар!...

Мен билинар-билинмас елка учирдим ва ҳафсаласиз дедим:

— Бўлмаса эшиting. Она кичкина ўғилчасини саёқ, майшатпараст отаси изидан қаҳвахонага юборади. Ўғилча у ердан отаси билан эмас, ёлғиз ўзи қайтиб келади. Онаси: «Отанг қани, у ерда нима қилиб ўтирибди» деб сўрайди: Ўғилча жавоб беради: «Уни қаҳвахонада кўрдим... Оғзи тўла кўпик; ўша ерда ўтирибди». — «Нимага, ҳафами?» — «Йўқ, унга янгидан бир кружка пиво узатишибди».

Бу жудаям қизиқ, «кулгили нарса» демоқчи эмасман. Лекин у қайси бир томони билан менинг янги танишимнинг диққатини ўзига тортар; у беихтиёр кулиб юборар, ёки шунчаки жилмайиб қўяр, ҳеч бўлмаганда маъқуллаб бош чайқар деб ўйладим.

Йўқ. У менга хотиржам, бир оз уйқули кўзларини тикиб:

— Ҳўш? — деди.

— Нима ҳўш?
— Қейинчи?
— Ҳаммаси шу.
— Отаси нима бўлди, уйга қайтдими?
— Қайтдими, қайтмадими бунинг аҳамияти йўқ...
Ҳаммаси боланинг жавобида.

— Сиз ўйлайсизки у жавоб бердими?
— Отам оғзи тўла кўпик; ўша ерда ўтирибди, деб жавоб берди-ку.
— Ҳўш?

— Биласизми, мен тўқиган бу латифанинг қаймоғи шундаки бола нимани кўрган бўлса, айнан шуни оқизмай-томизмай келиб айтган. У отаси оғзига тутиб турган кружкани кўрган, кружка тўла кўпикли пиво, шунинг учун ҳам ўғилча соддалик билан «Отам оғзи тўла кўпик ўша ерда ўтирибди» деб жавоб берган. Онаси бўлса, буни одамга нисбатан рамзий маънода тушуниб, бирор нарса бўлибдими, дея хавотир олади.

— Рамзий маънода?
— Ҳа.
— Хавотир олдими?
— Ҳа!
— Ҳўш?
— Яна нимага ҳўш?
— Демак, онаси эрига бирор кор-ҳол бўлган деб ўйлаган, ҳолбуки у хотиржам пиво ҳўплаб ўтирган экан.

— Ҳа-да!
— Ҳа-ҳа-ҳа! Э, қойил! Офарин, буни қаранг-а. У хафадир деб ўйласа-ю, ота ўша ерда хотиржам пивони ҳўплаб ўтиrsa! Ҳа-ҳа-ҳа! Умуман биласизми, шу қаҳвахоналар.

— Нима-а?
— Айтмоқчиманки, қаҳвахоналарга бўйдоқлар қатнаса майлига-ю, бироқ оилали одамларнинг шу оғир замонда кириб-чиқиши уччалик тўғри келмаса керак...
Бундай ночорларга қаҳвахонага қатнашга бало борми?...

Мен унга совуқ бир қараб олиб, сир бермасдан жим қолдим.

Афтидан бу одам жуда хушмуомала, эътиборли бўлиб, муаллифи айтилган нарса учун рағбатлантириш кераклигини яхши тушунса керак, уст-устига кула бошлиди.

— Ҳа-ҳа-ҳа! Э, қойил! Худо ҳаққи, ўзимни тута олмаяпман. Отам, дейди, ўша ерда кўпик ичаяпти, ҳафа...

Онаси-чи, онаси! Қанақа калтафаҳм... О—ҳа-ҳа-ҳа!
Қани; яна бирор нарса айтиб беринг.

«Э, азизим, — деб ўйладим, — сени бу хил енгил-елпи ингичка нарсалар билан тешиб бўлмас. Сенга мос йўғонроқ бир нарса керак».

— Утинаман, яна бирор нарса айтиб беринг, бир маъза қилайлик.

— Хўп бўлмасам. Бир ресторанга мижоз кириб келибди. У қўлидати соябонини кираверишда қолдириб, бирор уни ўғирлаб кетмасин дея хавотир олиб соябоннинг дастасига қўидаги мазмунда хатча ёзиб қистириб қўйибди: «Бу соябоннинг эгаси бир қўлида ўн етти пудни кўтара олади... Қани; соябонни ўғирлаб кўрчи!» Соябоннинг эгаси тушлик қилиб ташқарига чиқибди. Кираверишда нимани кўрибди дeng? Соябон йўқ; унинг ўрнида қўидаги мазмунда хатча туради: «Мен ҳар соатига 15 чақишимга югурла оламан. Қани тутиб кўрчи». «Кулгили нарсалар» ишқибози мэнга хайриҳоқ қараб олиб сўради:

— Хўш, кейинчи? У ўғрини қувибдими, йўқ?

Мен чукур сўлиш олдим-да, босиқлик билан тушунтирдим.

— Йўқ; уни қувиб тутолмаган. Асосий гап қувиб тушида ҳам эмас. Латифанинг қаймоғи, иккала хатчадаги бир-бирига тескари мазмунда. Биринчи хат эгаси ўз қўлининг кучига ишониб, енгилмаслигига писанда қилали, ҳолбуки, у ундан ҳам муҳимроқ бақувват оёқлар борлиги билан ҳисоблашмайди.

— Муҳимроқ дайсизми?

— Ҳа.

— У соатига неча чақишим югурман деб ёзибди?

— Ўн беш чақишим.

— Бу кўп ҳисобланадими?

— Ҳар қалай.

— Агар ўша биринчи соябоннинг эгаеи ўғрини ўша хатчани ёзиб турганда қўлга туширса, роса дўппослаб, думини тагига қалампир қистирса борми, бақувват оёқлари ҳам иш бермай қоларди-а?

— Билмасам.

— Ҳар қалай менимча бу воқеаға анча замонлар бўлгандир. Ҳозиргى ресторонларнинг ҳаммасидә кираверишда қолдирилган нарсаларга жавоб берувчи эшикбонлар туришади.

— Ҳа.

— Назаримда ҳозир ресторанлар анча маданийлашган. Авваллари ўғирлик ҳам унчалик кўп эмасди. А?

— Ҳа.

Иккаламиз ҳам жим қолдик.

— Яна соябон эгаси ўғридан тез югурадиган бўлганда ҳам уни тута олармиди деган савол туғилади. Чунки, ўғрини қувишидан олдин у қайси томонга қараб қочганлигини аниқ билиш керак, у йўлдан бурилиб кетдими, ёки соябонни бирор четга улоқтирган бўлса-чи, буларнинг ҳаммасидан қутулиб кетиши мумкин-ку, очиғи, ҳеч қандай соябон ҳам ўғирланмаган, ҳеч ким ҳеч қандай хатча ҳам ёзмаган.

— Йўғ-э?

Менинг қуруқ норози оҳангдаги луқмам латифалар ишқибозини ҳушёр тортириди, ўзини мамнун кўрсатиш, мени рағбатлантириш мақсадида бирданига хохолаб кула бошлиди.

— Ҳа-ҳа-ҳа! Хо-ҳо-ҳо! Вой! Ичакларим узилди-е! Буни қаранг-а, соябон қаерда экан? Соябон бирпасда йўқ денг. Шундаям эпчил йигитлар бўларканми? Оғзинга бармогингни олиб боришинг билан илиб кетишиади шоввозлар. Бу хил кулгили нарсаларни қаердан излаётопасиз-а?! Яна бир нарса айтиб берсангиз-чи. Йўқ деманг энди, бирордадар...

— Айтайми? — дедим чимирилиб. — Бўлмаса, марҳамат қилиб тингланг. Бир жаноб қаллиғининг ота-онасиникига тушликка келибди. Бошмоғи оёғини сиқиб азоб бергач, столнинг остига секин ечиб қўйибди, лекин шу пайт хонада изгиб юрган лайча бошмoқни олиб қочибди. Куёв қўрқиб, қалтисроқ бир ҳаракат қилган экан, стол чайқалиб кетиб ҳозиргина қўйилган тарелкадаги иссиқ борш қайнанасига сачради. Лайчани қуваман деб қимматбаҳо гулдонни тушириб синдириди, кейин стол тагидан узатилган оёққа кўзи тушиб, ботинкани ечиб олишга уринса, қайнотасининг оёғи экан, ҳадеганда ботинка ечилавермади. Шундай у қайнотанинг қорнига оёғини тираб, бир тортган экан; унинг ясама ёғоч оёғи тиззадан узилиб, куёв шўрлик пардага ўралиб иккилиб тушибди. Қучогида қайнотасининг ясама ёғоч оёғи туради. Худди шу пайт парда остидан оғзида бошмоқ билан лайча кўринибди...

У ёғини давом эттира олмадим. Қаттиқ, шайтоний бир қаҳқаҳадан янги танишим бўғилиб, зўрға нафас оларди. У диванда думалагандек, қўл-оёқлари билан типиричилаб, етар энди дегандек бўғилиб йўталарди.

Кулгидан қип-қизарыб кетган, кўзлари намланиб турарди.

— Оҳ... оҳ! — деди у ингичка бўғиқ овозда. — Бўлди. Худо ҳаққи етар! Бу хил кулгили ҳикоянгиз билан мени ажалимдан бурун ўлдирасиз!..

Авваллари ҳеч тушунмас эдим. Мен барабанинг устига йиқилиб тушиб, ўша ерда ухлаб қолган солдат, унинг ёнидан паришонхотир ўтиб кетаётган йўловчи, болалар аравачасининг бепарво итариб бораётган баҳтиёр она, бир жуфт севишганлар, тўй тантаналари, унда маҳараబознинг ёқасидан ичига сепиб юборган «қичитқи дори», қаллиғига севги изҳор этаётганда бурга чаққан ёш йигитнинг уйда қува-қува бургани тутгани ва бошқа ҳар хил ғалати ҳаракатлар учун ўн минг метрлаб киноленталарнинг исроф бўлишига сира ақлим етмас эди.

Энди тушундим.

НАШАВАНДЛАР

I

Хонада суҳбат давом этарди.

— Бир тийинимиз ҳам қолмади, ейиш-ичишига ҳеч вақо йўқ; ижара ҳаққи икки ойдан бери тўланмаган.

Мен:

— Шундай, — дедим.

— Кечқурун овқатланмадик. Бугун ионушта ҳам қилганимиз йўқ. Билмадим бундан кейин нима бўлади.

Мен буни ҳам маъқулладим.

Андрес ўсиқ соқолли бетларини сийпаб деди:

— Гулдай яшашнинг бир йўли бор. Бироқ, жуда кўнгилсизда.

— Одам ўлдирисми?

— Йўқ.

— Оғир меҳнатми?

— Унчалик эмас. Бунинг устига ҳар кунги машғулотимиздек жуда кўнгилсиз. Ҳеч бўлмаса, бир кун таваккал қилиб кўрамизми-а?

— Майли. Хўш, ишни кўрсатинг бўлмасам?

— Э, нимасини айтай гирт бекорчилик. Қани очиқ ҳавога чиқайлик-чи.

— Хўжайин тўхтатиб қолса-чи...

— Зарари йўқ.

Биз хонадан чиқиб, даҳлиз бўйлаб юрарканмиз, мен шовқин қилмасдан оҳиста қадам босаман. Андрес бўлса атай, бамисоли отга ўхшаб оёқларини тўпиллатиб қадам ташлайди.

Узун даҳлизнинг охирига етмасданоқ бизни эпчил хизматкор аёл қувиб етди.

— Эй, Андрес, хўжайин Григорий Григорьевич сизни ҳозироқ ҳузуримга кирсин деди.

— Бирор гап бўлтими? — деб шивирладим, дёворга қисиниб.

— Шунаقا дегин? Жонимиз билан. Қани юр дўстим.

Ижара хоналарнинг эгаси бўлмиш қари чол ўзининг тоза ва осойишта хонасида бизни жуда хунук қарши олди.

— Кечирасиз, жаноблар. Бир иш бўйича. Эҳтимол,

сизлар, «Бу кекса ҳайвон нега бизларни қақирди» деб ўйларсизлар.

Андрес афсус билан бош чайқаб:

— Қақирмасангиз ҳам барибир бугун ўзимиз кирган бўлардик, — деди совуққонлик билан.

Чолнинг кўзлари шодлиқдан ҷарақлаб кетгандек бўлди.

— Наҳотки? Ростми? Қандай қилиб?

— Сизга чин кўнгилдан, қизғин миннатдорчилик билдириш учун. Биласизми, жуда кўп мебелли тўкис хоналарда истиқомат қилганман, лекин уларнинг бирортаси ҳам сиздагидек тоза, озода ва осойишта эмас эди. Менга ишонинг. Тўғрисини айтаяпман. Мен ҳар куни бундан (Андрес менга ишора қилди) Григорий Григорьевич бу ерларни, шунча бинони тартибига солиш учун кучрайратни қаердан олган экан деб сўрайман.

— Ҳа, — деди чол мамнун хоҳолаб, — тартиб интизом; тозалик ва тинчликни сақлаш жуда оғир иш.

— Лекин сиз уни жуда олижаноблик билан амалга оширасиз, — деди Andres, — бу қадар катта ғайрат ва ташаббус! Қойил! Эсимда, Сизда ўтган йил битта майда алкаш ва битта жонидан тўйган одам яшаган эди. Улар тартиби бузиб, шовқин-сурон кўтаришдими, деб ўйларсиз? Асло! Йиқиликбозни улфатлари судраб олиб келишганда у сирам шовқин қилмади, дами ичига тушиб кетган эди. Чунки у ўлгудек mast эди. Кроватга ташлашлари билан донг қотиб ухлаб қолди. Қотилчи? Эсингиздами? Секингина ўзини осиб қўйди. Тинчина. Фақат эртаси куни хабар топишди.

— Рашиқчи эр-хотинлар, — илиб кетдим мен, — эсингиздами, Andres? Хотини эрини хизматкор хотин билан ушлаб олганда нима бўлгани? Ҳеч қандай шовқин-сурон ҳам кўтармади. Жанжал ҳам қилмади. У хизматкор аёлга мулојим кулиб яқинлашди-ю, оёқларидан олиб, очиқ деразадан улоқтириб юборди. Албатта унинг оёғи синди, лекин...

— Бу кўчада рўй берган, уни менинг мебелли хонамга сирам алоқаси йўқ...

— Албатта! Бунинг сизга нима алоқаси бор? Бирор обғини кўчада синдирса-ю, бунга ҳам сиз жавоб берасизми, хечамда!

— Шунақ! Бундай қийынчиликларни бартараф этиш учун сиздан жуда катта ирова ва талабчанлик талаб сизкилиниди. Кошларингиз орасидаги анови тугунча сизкилиниди.

нинг ниҳоятда қатъиятлигингидан ва мустаҳкам иро-дангидан дарак бёриб турибди.

— Кўринишингидан ёшлигингизда жуда чиройли бўлганга ўхшайсиз?

— Ҳозир ҳам ёмон эмас, — деди Andres имо қилиб, агар мен уйланган бўлганимда, хотинимни сиздан нари яширган бўлардим... Кечирасиз, эзмалик қилиб сизнинг анча вақtingизни олдик. Юр, дўстим. Қадрли Григорий Григорьевич, барча ижарачилар номидан сизга жуда катта миннатдорчилик билдирамиз... кетдик.

Чол хурсанд бўлганча меҳрибонлик билан қўлларини силкиб биз билан хайрлаши. Даҳлизда яна хизматкор хотин рўпара келди.

— Надя! — Andres уни тўхтатди. — Мен сиздан бир нимани сўрамоқчиман. Айтингчи, кеча сизнинг хонангизда ўтирган офицер ким эди? Ўз кўзим билан кўрдим, у сизнинг хонангиздан чиқиб кетди.

Надя яйраб кулди.

— Бу менинг куёвим. Фақат у офицер эмас, мирзо, ҳарбий мирзо, штабда ишлайди.

— Ҳазиллашманг, худди офицернинг ўзи! Бунинг устига бираам гўзал, юзидан ақл-фаросат ёғилиб турибди. Биласизми, Надичка, извоначчи учун йўл кирага бир сўмлик майдангиз йўқми? Уларни биласиз-ку.

— Бўлса керак, — Надя чўнтакларини ковладай бошлади. — Бор экан. Мана. Сиз унинг юзларига қарадингизми? Қип-қизил...

— Ажойиб юзлар! Бамисоли пушти гулга ўхшайди я. Кетдикми?

Уйдан чиқаверишда эшик олдида газета ўқиб ўтириған дарвозабонни кўриб сўрадим:

— Ҳалиям сиёсат билан шугулланаяпсизми? Шундай зиёлини кишини кўрсам, очиги хурсанд бўлиб кетаман.

— Кетдик, — деди Andres. — Бу ерга кераги йўқ. Арзимайди...

— Арзимаса, арзимас.

Изимга бурилдиму, Andresга итоаткорона эргашдим:

II

Кўринишидан ҳаёт эзғилаб ташлаган, ориқ, кўкси чўқкан, буқри бир одам рўпарамиздан чиқиб қолди. Унинг ерга қўйилган ҳар бир оёғи тиззадан қалтирас, бутун танасини тебратиб, кейин иккинчи оёғни ерга ишончсиз босиб бешиктерватардек тебраниб-тебраниб бизга яқинлаша бошлади.

— О! — деди ҳайрат билан Andres. — Коля Магнатор! Танишинг... Кеча қаерда эдингиз Коля?

— Курашда эдим, — деди Коля бузуқ кайфият билан. — Одатдагидек. Эх, Andres агар сиз Ҳабибулланинг оғир вазили швед Аренстрем билан олишганини кўрганингизда эди.

— Сиз ўзингиз кураш тушасизми, Коля? — деб сўради Andres жайдий қиёфада.

— Менни? Менга йўл бўлсин? Мен унчалик кучли эмасман.

— Нега... унчалик эмас экан? Сизга ўхшаган ориқ; чайир кишилар, девдай қудратга эга. Графингиз қалайлар? Қани, қўлимни бир сикбиб кўрингчи.

Холдан тойган Коля Andresнинг қўлини олиб, кўзларини косасидан чиқаргудек бўлиб сиқа бошлади.

— Мм... қалай?

— Ой! Қўйворинг! — оғриқка тоб беролмагандек ингради Andres. — У...у...вой, бўлди-е дев!. Худди темир-а... Агар шундай дев билан олишсанг, бор-ку дунё билан хайрлашавер... қўлим увишиб қолди-я.

Andres оғриқдан қўлини силкиб, ўйнга тушгандек ер тепинди, мен эсам Коянинг чўник кўкрагига нуқиб сўрадим.

— Гимнастика билан болаликдан шуғулланасизми?

— Биласизми, — деди Коля тантанавор хириңлаб, — гимнастика билан бир умр шуғулланмаганман.

— Бўлиши мумкин эмас, — ҳайрон бўлдим, — эҳтимол, сиз қаҷонлардир жисмоний меҳнат билан шуғуллангандирсиз?

— Ҳеч қачон.

— Эсланг-чи. Эҳтимол бир вақтлар.

— Ҳа, бир марта, бундан етти йилча бурун томорқада эзат олган эдим.

— Ана, — деб қичкирди Andres, — Ҳа, муғомбир! Ҳозир этат, дедингиз, бир оз туриб яна бир жарса чиқади. Бунча камтарсиз! Сизни мушакларингизни яқиндан қараб кўрса бўларди.

— Жаноблар, — деди Коля, — ҳали сизлар нонушта қилмадингларми?

— Йўқ.

— Ундоғ бўлса, Andres, мен сизни ва келишган ўтогингизни нонуштага таклиф этаман. Шу яқин ўртада ресторан бор... Битта алоҳида хонасини оламиз, ҳозир ечиниб олай... Ҳмм... Ҳар қалай, мушакларим кўпам ёмон эмас...

— Ҳозир бизларда пул йўқ эди-ку, — дедим мен очиқчасига.

— Шуям гап бўлди-ю... Мен кеча мол-мулкдан бир нима олган эдим. Арзимаган пул... юринглар, кетдик.

Ресторан ҳужрасига киргач, Коля ястаниб ўтириб олди. Кейин вино, газак ва нонуштага овқат келтирилгач эшикни ёпиб, белигача яланғоч бўлиб олди.

— Шундай деб ўйловдима, — деди Andres, — Қаранг; қотмадан келган; лекин мушаклари жуда бўртиб турибди, уни ўйноқлашини кўр. Яна машқ қилмаган эмишлар. Бу хил мушаклар катта тоғандга ҳам йўқ.

У Коляни қўлини букиб туриб деди:

— Буни қара, қандай бақувват, ярамас!

III

Ресторандан кеч соат олтиларда чиқдик.

— Бошим айланаяпти, — иолиди Andres, — театрга кетдикми? Мана бу бошқа гап! Извошли!

Извошли ўтиридик. Иккаламиз ҳам хаёл сурib борардик. Извошли эриниб, қамчи силкиди.

— Қара қандай ажойиб от; — деди Andres, — бу от эмас; қуюн. Унинг тезлигини кўр. Ҳали қараб тур. Извошли қамчилагани йўқ, қамчиласа борми, шамолдай учади. Қўз очиб юмгунча, манзилга етиб борамиз. Буни йўрғалашини кўр бай-бай?

Ҳақиқатан ҳам извошли ўзини эшиитмаганга олди-да; ўрнидан туриб, даҳшатли ҳайқириб қамчи босди. От жон ҳолатда чопиб кетди. Биз извошда орқага қалқиб думалаб кетишимизга сал қолди.

Ун дақиқадан сўнг биз Аскаровнинг громхонасида ўтириб, уни қизғин олқишилай бошладик.

— Умрим бўйи бундай ҳаяжонга тушмаганман, — деди Andres йиғлоқи овозда, — онам қазо қилганда мени сизни «Отелло» ролида кўрган эдим. Бу икки хил ҳолат ҳали-ҳали мени тарк этгани йўқ. Раҳматли...

— Онангизми? — сўради Аскаров.

— Йўқ, Дездемона. Сиз уни бўйганда... Бу ниҳоятда даҳшатли кўриниш эди.

— «Ревизор»даги Хлестаков, — деб қичкирдим қўлтиғига ўзимча сув пуркаб.

— Кечирасиз. Мен «Ревизор»да ўйнамаганман. У мен боп асар эмас.

— Мен айтмоқчиманки, Хлестаков... Агар сиз Хлес-

тәковни ҳам ўйнасангиз борми?.. Сизга мос бўлмаса-да, уни ҳам қойил қиласардингиз... Бу ролни сиз унтилимас жавоҳирга айлантирас эдингиз.

— Бас қил! — деди Andres, — ҳозирданоқ ҳаяжонга тушяпман, лаззатланаяпман, ҳалақит берма.

— Қаранг, қаранг-а, — деди меҳрибонлик билан актёр, — ўйлашимча ҳали сизлар билет ҳам олиб ултурмагандирсизлар?

— Бизми... ҳозир сотиб оламиз...

— Керак эмас. Шундай азиз меҳмонлар. Ҳозир ҳаммаси жойида бўлади. Митрофан, ана бу хатни кассаса обор. Иккита учинчи қатордан. Қани тез!

Танаффусда фойени айланарканмиз, иккаламизга таниш бўлган савдогарвачча Натугинни учратиб қолдик.

— Ҳа, қулдор! — қичқирди Andres. — Сизнинг охирги кечангиз ҳақида бутун шаҳарда дув-дув гап. Хордаги анови лўли билан айтишганингизни эшишиб кула-кула ичакларимиз узилди. Қаранг-а, ким ўйлабди, лўлини пардага ўраб, яна сурғучлаб, онасини квартирасига жўнатишни. Қойил! Офарин. Қараңг, қандай ҳозиржавоблик. Ахир Россияда ҳалиям топқир, полвон йигитлар бор экан-ку. Ана шундан ҳали-ҳали фаҳрланиб юрибмиз. Демак она Россия, ана шундай ватанпарварлар билан ҳеч қаҷон ўлмайди, қани бизга эллик сўм берингчи, яқин кунларда қайтарамиз.

Назаримда Andres жумлаларида заррача самимиийлик бўлмаса-да, кайфи тароқ савдогарвачча пештоқ ёзуви дек саводсиз бўлгани учун ҳам, охирги сўзларни кўнглига одатдагидан бошқача, жуда яқин олди.

Итоаткорона чўнтагини ковлаб, пулни олиб, Andresга узатаркан:

— Ҳа, парда масаласи... жуда ғалати чиқувди, — деди кўз қисиб.

* * *

Мўл-кўл овқатдан кейин ниҳоятда чарчаб уйга қайтдик. Автомобилнинг пружинали юмшоқ ўриндиқларида оҳиста чайқалиб кетяпмиз. Ундан чиқаётган бензин ҳиди, лабларимизга ёпишиб, тутаётган сигара тутунига қоришиб кетгандай.

— Andres, сен ақлли одамсан, — дедим мен. — Сенда ўткир зеҳн, фаҳм, фаросат ва ниҳоятда ажойиб қобилият бор....

— Тўла... Лекин сен ҳам кўп камтарлик қилмасанг бўлар. Сенда, фақат сендагина фикр тикиқлиги ва тозалиги борки, мен ундан йироқман. Сенинг ташқи кўринишинг ҳақида гапирмаса ҳам бўлади. Шундай ажойиб савлат, пурмаъно юзлар, қадди қомат... яна кимда бор...

Шундай деганча пешонаси тиришиб, асабий қўл силкиди.

— Қандай ярамас, қабиҳ, жирканч! — деди тупургандек қилиб.

САҚИЧ

Бир куни Чехов хотирасига бағишлиңган тушлиқда бир неча танқидчилар узундан-узун нутқ сұзлашды.

Биттаси:

— Чехов қоронгулик шоири, иродасиз зиёлилар күйчиши... — деди. Бошқалари бўлса:

— Офарин! — дея уни олқишлиша.

Бошқа бир танқидчи ҳам нутқ сұзлаш истагини билдириди. Бир оз ўйлаб туриб гапира бошлади:

— Чехов қоронғу, зим-зиё рус ҳәётини тасвирилаш билан бирга, эркисиз, иродасиз зиёлиларнинг ҳам күйчиши эди.

Учинчи танқидчи, агар бошқа йиғилганлар қарши бўлишмаса, мен ҳам «қоронгулик күйчиши» қабрига сұздан гулчамбар қўйсам, деган истак билдириди.

— Офарин!

Танқидчи таъзим қилиб сўз бошлади:

— Мен ҳурматли ҳамкасларимнинг Чехов тўғрисида айтган ажойиб, қимматбаҳо фикрларига қўшилган ҳолда шуни айтмоқчиманки, Чехов таланти рус ҳәёти қоронгулигига гуллаб-яшнади ва иродасиз зиёлилар ҳәётидан баҳраманд бўлди... Ҳа, жаноблар! Агар бошқача қилиб айтадиган бўлсан, Чехов қоронгулик—номозшом шоири бўлиб...

Тўртинчи танқидчи ўрнидан турди:

— Чехов ҳақида гапирганда, кўплар улуг ёзувчи яшаган давр атроф-муҳитини унудишиади. Ўша давр ҳәёти булутили бўлиб, бу ўз навбатида унинг қаҳрамонларига таъсир этмасдан қолмасди. Булар хом, иродасиз кишилар бўлиб, ўша қоронғу зим-зиё ҳәётдан олинган эди. Бу ҳам жаноблар, Чеховнинг зулмат шоири дейишимизга асос бўла олади. Бўшанг, иродасиз зиёлилар ўша даврда Чехов мисолида ўз тасвириларини топдилар. Чехов ижодий фаолияти ҳақида фикр юритдилар.

МУНДАРИЖА

Тадбиркорлик	3
Елғон	6
Бўри пўстин	12
Худонинг берган куни	18
Ниночка	25
Атрофдагилар	31
Эркаклар	33
Алло	39
Қумдаги иморат	45
Аҳмокқа латифа	50
Нашавандлар	55
Сақич	62

Адабий-бадиий нашир

АРКАДИЙ АВЕРЧЕНКО

БУРИ ПУСТИН

Ҳикоялар

Ташкент «Маънавият» 2000

Муҳаррир *Б. Муродалиев*

Бадиий муҳаррир *С. Аззам*

Текси муҳаррир *Т. Золотилова*

Мусахҳид *Ш. Иҳомбеков*

Теришга берилди 19.10.00 Босиншга рухсат этилди 08.01.01. Бичимни
84x108^{1/2}. Литературная гарнитураси. Юкори босимя усулида босилди.
Шартли б.т. 3:36. Шартли кр-отт. 3:57. Нашр т.2.98. 5000 нуска. Буюрт-
ма № 220. Нархи шартнома асосида.

«Маънавият» нашриёти, Тошкент, Буюк Турсон, 41-йй. Шартнома 32-00.

Узбекистон Республикаси Давлат матбуот кўмитаининг Тошкент китоб-
журнал фабрикасида чоп этилди. Тошкент, Юнусобод даҳаси, Муродов
кучаси, 1-йй. 2000.